

1. The first part of the document
 discusses the general principles
 of the proposed system. It
 outlines the objectives and
 the scope of the project.

2. The second part of the document
 describes the methodology used
 in the study. It details the
 data collection process and
 the analysis techniques.

3. The third part of the document
 presents the results of the study.
 It includes a detailed discussion
 of the findings and their
 implications.

4. The final part of the document
 provides a conclusion and
 recommendations for future
 research.

省齋文彙卷第一

周益文忠公集一

詩

起紹興辛酉止 紹興乙卯 章貢 廬陵 平江 金陵

送陸先生聖修府赴春闈

送君南浦慘離情握手依依數去程日薄雲濃風轉勁江寒水
落浪還生此時執別仙舟穩後夜想思山月明好把嘉謀獻丹
宸中興天子急升平

贛江

跡落蠻夷地艱危分飽經盤渦隨櫂舞驚浪濺船零石亂舟
過峯迴眼謾青晚來荒浦宿愁緒轉冥冥

留題文氏雙秀亭三首

身在江湖欲看山山行還憶弄潺湲誰知裏許雙竒絕碧玉青

螺

張本一作羅一望間

汀蘭烟樹兩佳哉六曲屏幃坐上開南浦彩雲飛畫棟西山爽

氣任朝來

澄碧修眉固自竒只愁門外苦喧卑要知心跡雙清處須待人

稀月上時

亭近市

彭永州夫人挽詞

夢馳端由慶闕鍾采蘋來助大夫共化行閨壺衣無綠行應箴

圖管有彤石窈方開湯沐邑黃岡俄掩斧堂封不須更續更生

傳自有豐碑記肅雖

彭自為埋銘

道中憶胡季懷

珍重臨分白玉卮醉中那暇說想思天寒道遠酒醒處始是憶

君腸斷時

行舟

張本作舟中

憶永和兄弟

一掛吳帆不記程幾回繫纜幾回行天寒有日雲猶凍江濶無

風浪自

張本作亦

生數點家山常在眼一聲塞雁正闌情長年忽得

南來鯉恐有音書作急

張本作急遣烹

抵蘇臺寄李懷

江浙相望寄此身臨風回首歎離羣
吳雲日斷君思我楚樹天遙我憶君
別後酒尊應獨酌舊時碁局對誰分
狂言欲吐還須茹俗子紛紛可得聞

次韻王仲謨仲宣唱酬二首

公子翩翩正妙年修能矯節本天然
弟兄况自逢三益事業懸知定十全
厚意綢繆華映鄂新詩絕麗月流天
乘黃驟耳方爭駿應笑駑駘強自鞭

別日無多似隔年每逢佳句輒欣然
詞傾江漢無留礙語轉珠璣更渾全
目共荆溪千里月人居吳郡五湖天
興來倘有山陰作即上扁舟往執鞭

和仲宣中秋赴飲莊宅

方訝頑陰蔽月堂坐看涼吹動枯楊
疾驅雲陣千重翳盡放冰輪萬丈光
莫問蚌珠圓合浦且聽羯鼓打西涼
踈狂似我何須撓撓取吹笙玉雪郎

未詩有妙曲撓周郎之句

羅主簿妻朱氏挽詞二首

早歲從孫寶中年訓孟軻節高賢
張本作資內助機斷激儒歌枳棘鸞先逝
雲霄鷄正摩即看膺命服何遽掩卷阿

素幕惟堂日青鳥甫窈時筵迎張本作資朝露冷樹動晚風悲七十
年無憾平生壺有儀孝哉難與穀猶慟蓼莪詩

送趙富文彥博倅洪州三首

期集分携五載前衝泥各上浙江船如今再贈城南柳依舊梅

黃夜雨天辛未四月晦團司結局今復以是日送君行

花發河陽政早成策勳恩擢佐藩臣雞翹豹尾他年從且作銀

章第一人同年四百人朱紱自公始

南浦飛雲繞棟椽西山爽氣入魚須公庭吏散文書靜許我他

時解榻無

次韻丁維臬糧料博牡丹未開

拙速那能鬪巧遲從教綠暗落別本作與紅稀天香未染蜂猶懶日

幄先籠蝶已飛羅鄴牡丹詩云落盡春紅始見花幄籠輕日護香霞又李正封詩云國色朝酣酒天香夜染衣

羯鼓只應催上苑鶴林誰復倩紅衣請君多釀淮南米縱賞先

拚倒載歸

適蒙折簡見約烹茶再次前韻

清明過後日初遲春服成時瑟見希浪蕩總隨流水遠名花獨

待羽觴飛催開已奉清平調李太白清平調三章正為牡丹唱徹猶須金縷衣

活火新泉太清絕何如沉醉詠而歸

次韻白蓮

汗溝濁水葉田田又見新栽京府蓮見樂天詩玉井謾傳青壁外雪
膚如在射山前泛紅入幕王家俗種白開池陸子賢不用若耶
溪畔女蘭撓夜採月娟娟

次韻紅白蓮間生

閒花不遣倚門牆獨挹芙蓉冉冉香艷質施朱窺宋玉冰姿傳
粉試何郎青莖翠蓋元相映縞袂霞裾各自芳聞道金鑿行豹
直炬蓮先已逃嘉祥

次韻秋日禪房

官閑未覺往來妨疏懶從公意自松栢有心寒始見芝蘭入室久
彌香秋容我無何飲哇夏憐渠有底忙霜倒池蓮雨荒菊禪房
真似贊公房

次韻沈世德作式撫幹川泳軒

江山儵清麗雲月助色澤向來面面景今日誰洗滌主人倚晴
檻回首笑謂客府公實知己餘事懶經畫幀幪張本廡張本大厦軒

窻開澤國架簷逼象緯植礎壓鹵斥仰看天宇大俯覺地軸窄

端如倩巨靈妙手重開闢此興固非淺無入不自適華國張本作門

望中敞棠陰坐上得波光動藻井帆影落几席所欣魚依蒲未

許竭見壁陰晴及朝暮氣象如張本幾易別本颺回有餘韻鳥

度無留迹市聲沉浩浩漁唱聞昔昔油幕多風流脩然晋八伯

淋漓傳翰墨鏃擊間金石連壁喜同志倚玉許涼德頻別本慚

陂量容未為張本作忍俗駕勒惡詩信非備勿作春秋責

又次韻二首

川流元滾滾客至喜津津卜築新形勢逢迎舊主人酒盃我醉

詩句味君醇大隱柳城市巖耕笑子真

宮槐分影直官柳着行疎畫棟飛翬遠晴霞散綺餘池邀山簡

馬水勝武昌魚只恐封泥召驂鸞上帝居

次韻醪飲

層軒發天藏初日照粉牘韓退之高雄觀跨鵬背煩促陋蠶箔

飛綏會蘭亭傳觸寫桑落飲興江海窄逸氣雲天薄雖無漢侯

鯖粗勝周禮醪清飲張本作歡謝絲竹賀厦驚燕爵圍碁角勝負獻

能紛戲謔涼風徧廣坐長夏失重熇柳文赫高會方繼日初筵

今告朔要令四難并詎止一餉樂明朝傳絕唱百年無此作薦

聞須狗監賡續愧鼠璞今王馳蒲輪之子尚蓮幕行參瑚璉用

歸助棟梁託謂沈讀書照青藜視草詠紅藥回顧廣文寒莫忘

雞黍約

次韻趙公直賞心亭醪會

晉人誇新亭假日輒高會中間伯仁輩未免楚囚對江山猶古
昔人物已燉味東郊今保釐翠華記行在佳麗壓淮楚追遊勝
冠蓋茲樓貫城雉于邁無小大令威雖不歸丁謂靈光故無礙
烟雲互明滅川郭相快帶當年烏衣遊此日思一概從容值休
沐登臨慷慨幽懷忽軒豁細故絕芥蒂已尋詩社盟更許食期
戒佳賓滿坐上好語來天外舟移白鷺洲名遠目送飛鳥快方種
淵明秫粗免監河貸一醉倘可期與君時倒載

送鄧漕

根

移師

揚州二首

鄧翰院
本作鄧

碧幢紅旆擁西風幾點淮山落眼中卧轍正看留使者褰帷早
已識元戎兒童騎竹迎并牧父老封裳棠記召公人望汲卿居禁
闈淮揚只恐又忽忽

聞道維揚地望雄風流人物似江東六龍前日歸別本淮海五
馬由來說醉翁壁月幾橋留夜色珠簾十里待春風遙知九月
平山會笑插茱萸滿鬢紅

送葛謙問

鄰

運幹

少年扶犁事西疇老陪英遊帝王州才高韻勝各有得志合情
親君更優離筵忽席洛定鼎戍期云畢齊蔡邱君行共歎空冀

北我衰謾作周南留欲持菊觴止君飲單車已成難停輶欲挽
長條贈君別金城柳落空悲秋悲秋惜別置勿道資望久合登
瀛洲仙凡一隔在何許指點蓬萊雲氣浮

送毛平仲并

平仲學士隱居鄉閭而雋聲震於四方竭來陪京衣冠
傾慕焉僕之大父與先尚書同為庚辰進士平仲於僕
又有十年之長方將兄事而強附之則聞歸艤在岸矣
敬贈惡詩既叙先契且約後會云

父祖同登六十春相逢草草大江濱羨君不使囊錐見笑我空
將芟製焚聞道都人時載酒未容俗客細論文他小年築柯山
伴泉石風光賸欲分

次韻邢懷正孝庸通判遊蔣山

仙人薄蓬萊兼槎度河澗舊觀桑田變今訪鍾山古駕言出東門
恍若之帝所朝曦霽青霜楓葉落紅雨亭亭望浮圖隱隱插天
宇坡垂北溟鼇石卧南山虎遙聞飯後鐘絕勝統忱如鼓恭惟布
金地草木誰敢侮孤芳破冰雪喜見梅萼吐同遊皆大雅緇素
競先睹巾車似元亮漱石雜孫楚相將挹靈泉何用照牛渚西
方化人國未覺道脩阻法筵盛龍象一一會心侶茗椀散午夢

蒲團便平軟語懸知雨花社重辨風幡舞相投甚針芥味道
真酪乳從來草堂靈俗駕回吾祖况如雲仍輩么麼那復數後
車倘許隨未羨黃金塢

次韻周德友和運幹

曾見麻姑過蔡經却陪王導宴新亭博文正自鄙木彊操論未
應談竹刑入幕久依池水綠讀書行照杖藜青篋中知有還丹
在不用臨溪憐鬢星

少答鶴髮之句又德友作日以蘇養直詩
帖百餘紙相示世傳養直遇仙故用麻姑

并還
舟事

送蔡德輝理教授三首

天馬元從西極徠頻年伏櫪伴駑駘如今始覺升沉異萬里追
風道路開

曉折臺城楊柳枝夕登瓜步佛狸祠請君收拾江西助歸和薰

風殿閣詩

幾回送客大江頭今渡江頭特地愁豈是陽關動淒怨同僚情
分正綢繆

送徐漕度移憲浙東二首

一去中臺十九年愛君憂國得華顛久疑使節畱江上稍喜除

書近日邊寒碧軒窗餘舊句公於漕臺創寒碧軒且
賦長句命同僚屬和汗青簡冊

奏新篇

公著國紀以續通鑑方繕寫進御

文章八相公家舊沙路從今穩著鞭

滿歲蹒跚泮水間獨公不作腐儒看幾陪佳客芙蓉幕聊慰窮

愁首藉槃此去高山空自仰向來流水為誰彈割鞭截鐙知無

益但覺輪囷激肺肝

送子開弟還江西二十韻

丁年樂家居豈知離別愁言遊冠蓋場聚散靡自由子從何方

來訪我金陵州情多語反點喜極涕翻流不如並轡出庶以寫

我憂沉沉長干寺南軒清且幽鳥衣訪王謝煙滅那可求却登

覽輝亭下瞰白鷺洲羣山競合沓萬室

張本作里

相牽鉤回首指鍾

阜黎明戒前騶林泉與臺殿勝處皆窮搜紛紛六朝舊莽莽今

幾邱弟古轍未環劇談興方稠胡為理書劍復欲從遠遊蹉跎

六年別邂逅半月留臨分敢不盡苦語誠非偷期子如良農勤

勤事西疇慎勿因水旱而令廢鋤耰豐歲會可必行行真有秋

十月風霜動待子江之頭

送張端明

盡赴石

某伏承某官節召還朝闔府士民稱頌盛德如出一口

某以年家子門下士而承泮宮之乏倘暗無詩歌人謂

斯何謹採輿言為口號十首辭雖俚而事則實意雖淺

而情則深冒瀆威嚴不寒而慄

春殿曾收最上科甘泉扈駕早鳴珂金陵已奏三年課王燭宜

調四氣和

家傳圮上一篇書二紀論思張本作詩只緒餘此去籌帷方倚重赤

松那得更張本作便從渠

歸粟招提刻翠珉羯胡稽首歎名臣今聞整轡登廊廟惟有先

聲驚四隣宣和末公施米紅縣之僧寺刻石以記虜人過之歎服名德其寺賴以不毀

管籥分來二十年何人從此得朝天介圭入覲由公始莫把題

名取次鐫紹興八年始以府帥兼司雷籥今已十餘改未有破召者

曾以詩書化蜀人更恢文教大江垠諸生亦有如何武爭詠三

章轉上聞

心正能教筆不欹古來書法獨公知顏筋柳骨留蕭寺總是甘

棠去後思

尺一催歸侍冕旒邦人無路止前驕却因遙祝南山壽小作臺

城十日留

延英引對寵章新都下傳觀拜輔臣沙路緩驅金駃裏腰裏翰院本作

閣間新上玉麒麟

公門如海亦如龍解榻鈴齋獨見容慚愧深知何以報歲寒千

尺澗邊松

欲驅羸馬從金鞍顧藉微官進自難但願斯民均暖律小儒不
歎廣文寒

送沈世德撫幹還朝

元戎已趣曹裝覲上客難教儉幕留積雨半篙生別浦清風十
幅送歸舟槐庭袞繡行虞侍芸閣鉛黃待校讐池有遊鱗雲有
雁尺書能寄故人不

次韻徽州胡推官

理

旅中遇雪且約同登雨花臺三首

歲晚相逢古帝鄉長松百尺傲冰霜青鞋踏遍江南岸更賦名
花似漫郎

傳道詩仙折簡來破寒雪屋為君開要將好句誇張籍故放歌
謠吏部才

天女來參彼上人逆知君動雨花心故令六出繽紛下免使荒
臺更重臨

方孺人挽詞

干之後王
知甫外孫

處士詩名滿古今外家文采切星辰中郎有女會傳業武子趨
庭更慰人諼草正開堂北向扶桑莫反日西淪可憐寂寞湘江
路燐走螢飛翠柏新

省齋文集卷一終

省齋文集卷第二

周益文忠公集二

詩起紹興庚辰止紹興壬午金陵臨安

送別刑懷正直閣赴江西提舉二首

大江西畔米別本作未流指歛散新陳倚繡衣旗展春山千嶺暗霜

飛暑路萬艘歸朝家法備農商信臺府官閑案牘稀鼻虎廬

天下景未妨行部疑禪扉

二年疎懶累深知喜見皇華授節時歸里欲依東道主登畿恰

負北山移黃間遙想前驅弩白下空攀遠別枝坐席未溫公入

覲却教南蕩候旌麾

留別金陵韓帥

仲通

二首

十二麟符玉截肪，腰間仍映帶圍黃。化行江國春常早，訟息塔除日自長。槐影緩趨三接晝，棠陰先滿十連堂。子淵去踏長安道，待賦中和奏未央。

再點賓筵又一期，千金敝帚頓提撕。泮宮正采僖侯藻，大學俄甘吏部壘人似寒鴻。春向北心隨江水，日朝西太平勲業須公助。不用頻年戀節犀。

留別蘇仁仲通判

公才豈合尚題輿，天遣寒儒此曳裾。午夜燈花曾共賞，三春樂

事未全疎。尊前窈窕傳新唱，耳畔瀾翻聽異書。此別不須勤

張本

作頻戀惜君日日問嚴徐

九日哭子柔弟

自酌黃花酒，心酸苦淚零。常時愛鳴雁，從此不堪聽。

劉韶美監丞以予發策玉堂小詩送筆墨云：腹囊英物吐長虹，翰墨區區有底功。也要同盟作旗鼓，三山直上一帆風。走筆次韻時在雨中。

今雨驚呼未霽虹，筆精墨妙策新功。要令快草三千牘，故借冷然九萬風。

次韻程泰之正字奉祠惠照院詠雪五首

天女飛花現化城
禪房深處想神清
齋心正使無底唱
擁鼻何妨效洛生

造化平心混萬殊
高低一色眩離朱
如何尚愛南枝瘦
偏以張本

似作凝脂助曼膚

方丈仙人定好奇
行吟合壁伴瓊蕤
兔園且就如今賦
鳳沼重

看異日詩瓊鞋見文選

吻燥誰濡翰墨場
絕思齒頰漱甘芳
粉身莫惜歸湯鼎
要與團

龍發暗香

剝啄朝來送好音
唱妍酬麗自書林
柴門未掃簷垂溜
筆退誰

知抱膝吟

胡原仲憲正字特改官除宮觀館中置酒餞別會者七人

以先生早賦歸去來為韻各賦一首僕得早字

西伯王業興海濱
歸二老漢家念羽翼
坐致高山皓恭惟
陛下

聖尊德繼雍鎬
先生學孔孟不但遺
編抱致身雖苦晚
聞道固

已早昨隨弓旌
召著脚立張本作蓬島夜陪黎杖
青朝奏囊封早

第令坐臺閣不滅
照乘寶思歸獨何事
豈為子規惱祠官
厚稟

假命秩略資考恩
榮固無愧出處吾有
道漫漫七閩路去去
春

風好都門送別處懷抱要傾倒相思常情耳再拜請張本作稱善禱
臨雍有故事乞言非草草指期裏蒲輪未可迹如掃

送光祿寺丞李德遠得請奉祠

君家臨川我廬陵兩郡相望宜相親長安城中初結緩石灰橋
畔還卜隣扣門問道日不足篝燈照夜論心曲寸莛那許撞洪
鐘跋鼈近張本作逝將隨驥馱聞君上書苦求歸君今豈是當歸時
滿朝留君君不顧我雖歎息何能為莫攀楊柳濤江岸莫唱陽
關動淒斷行行但祝加餐飯潮落風生牢繫纜

次韻史院洪景盧檢詳館中紅梅

紅羅亭深宮漏遲宮花四面誰得知南唐苑中有紅羅亭四面專植紅梅見雜志蓬

山移植自何世國色含酒紛滿枝初疑太真欲起舞霓裳拂飾
天然姿又如東家窺墻女施朱映粉尤相宜不然朝雲頰薄怒
自持似對襄王時須臾燕支著雨落整裝俯照含風漪遊蜂戲
蝶日採掇嗟爾何異氓之蚩提壺火急就公飲他日墮馬空啼
眉

次韻王龜齡大著省中黃梅

化工未幻醱醑菊先放緗梅伴羣玉幽姿著意慕鉛黃正色何
心輕萼綠粧成自淺風味深對此宜辭食無肉可憐涪公被渠

惱中歲悔屏翰院本杯杓醪省中黃梅在醪醪之側黃魯直戲

作梅屏答王觀復醪醪菊詩云誰將陶令

送王嘉叟編修通判洪州

籍甚西樞掾居然出處光人猶思駕賀監天未起張良南浦雲麼應

碧東湖柳正黃古來求別駕不是薄星郎王名拒駕允中薦以上

書薦張和公補外崔祐

送王龜齡赴越州宗丞

冊府號冀北一時聚奇才嗟我雖未至尚及相追陪胡子真騏

驥元章蓋龍媒邇來厭名韁蹴踏游九垓王子乃汗血疑是西極

極徠忠精貫日月聲名震陪儂君王市駿骨得此七尺駉秣以

天山禾貯之黃金臺玉勒繡羅鞍映帶文錦謂言開道路亦

復薄蓬萊乞歸丞相府連月書百回東郊治公姓笑渡濤江雷

奉身信美矣體國安在哉帝家十二閑何嘗列駕駘遲子復立

仗來歸勿徘徊

送聞人茂德滋刪定歸嘉禾

七年束帶趨朝參共喜儒林得指南經傳注成頭未白公卿閣

編綬猶藍秋來去國懷張翰此後論詩恃憶鄭覃別酒易闌情不

盡會憑清夢聽清談

報爨無烟

徑山說法日瀾翻慧海精勤三十年他日宣城傳僧寶莫分禪

律一時編

湯孺人挽詞

處州丞相之女

歎息閨房秀霜催鬢未華女工丞相念婦道里人嗟石窳脂田

廢濤江粉旒斜西風看花淚寂寞小窗紗

年家太夫人鄭氏挽

趙伯椿之母

早適王孫貴中成令子名齋眉餘婦順截髮助交情三釜應天

相重泉奈

翰院本作續

日傾升堂今已矣淚灑越溪橫

王季海正言父宣義

師德挽詞

三世儒科獨隱淪功名豈必在吾身早看伯氏囊荷舊晚喜郎

君諫草新絳縣人存疑甲子論衡書就困庚辛

張本作申

遙知會墓

車千兩絮酒淋漓臥冢麟

送司農少卿杜起莘

一本作葉一本作華皆誤

出守遂寧

識公七年前青衫騎破韉送公七年後金章大州守窮達反掌

耳置之勿復論憶公出蜀日避名如避喧神羊一在首慷慨眉

守軒朝陳擊姦疏暮進興邦言炎炎中即將解帶西南奔矯矯

內押班掛冠神武門所以杜御史姓名滿乾坤人生有聚散安

所非遊宦徵黃不作難聖主方求諫

次韻張真父著作遊湖山

令休閣訟黃念念長安遠出遊寫我憂駕言豈顧返撐舟度平
湖蠟屐試疊巘境幽客更佳風靜日亦烜爾僕毋告勞我足尚
忘蹇眼明見孤山地禁接上苑却登靈隱寺巖壑此其本經行
盡精舍一一為排鍵勝遊固可繼况乃春未晚所嗟蟣蝨臣無
術助龍衣頗聞議深討將士不及飯古稱格苗頑不必侵自院
吾民戰吾地甌脫未稍損願言休王師歲熟禾自稱

次韻張真父著作細梅

蠶黃織就費天機付與園林晚出枝東觀奇童承詔後南昌故
尉欲仙時芳心向日重重展清馥因風細細知詩老品題猶誤
在紅梅未是獨開遲

送馮圓仲吏部出守邛州

戰伐驚前日安危決此時諸公今有望萬里子何之市駿甘求
骨呼鷹苦待飢寸心懸日月不為去來移

雖未藏銛利刀頭愜寢興為郎非白首補郡有高能交分看前

輩離愁愧老僧亭亭望中塔高處待重登

同舍戲飲湖寺登保
叔塔未盡悵然而別

送湯相守紹興二十韻

漢闢蕭居守周興卑保釐安危元注想中外自隨時憶昨生戎
馬誰知死佛狸天其永我命王乃大巡師收拾鑪錘手經綸管
籥司南圖志震蕩北上得逶迤銅刻新符獸金塗舊印龜從容
時屬耳鎮撫效如斯帝意仍調鼎親榮宣聲去擁麾斑衣加畫繡
通帛離牙旗餘力今循霸洪鈞昔相夔斯民先已覺此地更何
為玉帛塗山會銀黃越將垂圓經千古事實幕幾人詩有客叨
恩顧無才負已知身留蓬島直夢度浙江湄投劾難何有登庸
恐不遲行逢三月禊禊看既百錢齋祖餞分離席班迎指後期一
夫非自喜正為太平基

次韻鄒德章

標

監簿官舍芙蓉芭蕉

君不見蜀都之城百里長無數芙蓉遮女牆遂今邦人記舊俗
往往空巷爭新粧又不見雲夢澤中吞美惡相如所誇殊落落
獨將芭苴並蘭芷楚客至今猶憶昨兩邦不為天下溪顧乃著意
濁水泥眼看紅綠意先眩玩物固應為物迷豈知弱質甚蒲
柳成毀須臾翻覆手春風秋露略紛敷皓雲青霜已摧朽主人
學道窮三餘俯視官舍真蘧廬從渠草木榮與枯只有此心常
自如水邊比色宜見素隍中覆鹿初據似耶非耶誰與論彼夢
我夢隨所住大篇字字皆披沙清晨走送驚隣家鈍根也復發

深省世間何物非空花

奉常林黃中博士以黃柑食陸務觀可直陸賦長句林邀

予次韻

林子勇報國太華欲力學吾嘗歎其材浮海中巨舶向來固不
用今用猶迫迨此興柑累累霜飽實未摘不使供王羞何異棄
道側山東一百郡風氣久限隔子如又思歸殊勲定誰策孝哉

狄梁公竚立望雲白親舍豈不念王事正求索前聞獻果餘用叔

孫通手餉懷橘客雖非木奴千始過庭實百兩公相親意初不

以張本有核當於古人求未可度以臆如我乃無用甘作下惠

阮

許陸務觀續中海棠未與而詩來次韻

莫嗔芳意太矜持曾得三郎感策吹事見梅聖俞詩注今日若無工部

句慙勤猶惜最殘枝

以紅碧二色桃花送務觀

碧雲欲合帶紅霞知是秦人洞裏花俗眼只應窺燕麥不知送

與謫仙家

范至能以詩求二色桃再次韻二首

霓裳舞罷醉流霞翠袖頻揜眼欲花文室蕭然那用此春深料

得客思家

翰墨場中蔡少霞如今悟徹頌桃花看朱成碧吾方眩試把橫
枝問作家

劉信叔騎太尉挽詞二首

今代詩書帥收功百戰餘人誰不開府公獨帶除書死後家無
甌生前客有車輕財并待士此意古何如

不謂擒胡月妖星犯將營

去冬有星犯上將

伊吾空有志謂上不成耕

衆議磨圭玷他年聽鼓聲何妨築高冢為象順昌城

務觀得曾吉甫茶以詩見遺因次其韻

詩仙餉子北苑雪正欲一洗東華塵道山廷尉俱夢事喚醒野
軒真主人

送洪景盧舍人北使

嘗記揮毫草檄初必知鳴鑄集單于由來筆下三千牘可勝軍
中十萬夫已許乞盟朝渭上不妨持節過幽都吾君甚似仁皇
帝宜有公贊廟謨

次韻務觀迎駕

法駕朝西內諸臣許後陪蹕煩民更喜鸞載路無埃我輩猶簪
筆君才合面槐如何車九九獨不與偕來

次子中兄韻三首

獻納深慚杜少陵
驟紆皇眷秩頻增
羽書日日驚飛電
給札歸

來欲飲冰

近賜筆札令羣臣條陳時事

讀罷新詩暖似春
手搖食指生津平
生口腹何曾計
自笑如

今枉累人

黃雀不至故有此句

黃道初開日月新
容光應不間孤臣
左螭立近焚香案
石掖名參視草人
二聖深恩空次骨
幾年歸夢已通神
阿兄念我勤招隱
好為丹爐養永銀

陸務觀編修以石芥送劉韶美禮部飲以勁酒二公皆舊

隣也因其有詩次韻二首

芥辛酒苦却多情
田舍翁成嫵媚名
屋角風號天欲雪
胸中浩浩正春生

自移家具失連牆
不復燈前共詠觴
手裏有詩隣指動
麈邊無分笑頭方

招陸務觀食江西笋歸有絕句云色如玉版貓頭筍味抵

馳峯牛尾狸歸向妻孥誇至夕書生寒乞定難醫戲和

東厨日日厭候鯖
却羨萍蘘擣韭根
如我乃真寒乞耳
只因肉味筍殊村

次韻程泰之駕部送猴

團團擾擾便生憎誰暇徐觀棘刺能駕部猶嫌無駿馬他人須
用土牛乘

寄題新居羅長卿觀瀾閣蘭堂

大江來章貢小江出香城快哉一閣上揖此二水清江落波瀾
靜江漲波瀾驚四時互變化兩日常兼并登臨苟得要坐使萬
象呈吾聞鄒國軻恥作么麼生平生浩然氣直與天地盈觀水
必觀瀾寓言見真情雨集溝澮間肯把青眼橫長卿軻之徒胸
中氣崢嶸學障百川東詞如三峽傾此道素自得此景宜天成
我本烟波徒臨流嘗濯纓他年理漁艇往尋鷗鷺盟倘寫新居
圖載我一葉輕

君不見漢家築臺臨咸京圖籍排比如魚鱗又不見晉人創亭
稽山陰羣賢畢集羅簪紳古今名蘭固多矣而此二者常不泯
乃知草木本無取必假人物始可珍夫君名高斗以南築堂宛
在江之滄楚人盈要競服艾羗獨滋蘭真絕倫風搖綠葉劍戟
舞雨折香包檀麝新不宣克幃悅鼻觀正自緱佩持吾身堂奧藏
書三萬軸畫校魚魯分根銀堂中延客三千履可結僑札參
雷陳定知斯堂閱千載與昔臺亭名共振僕也生憎鮑魚肆扣
門屢作君家賓小槽珠滴不待滿有時旋漉頭上巾醉當惡語

沈君壁有客如此君勿嗔

讀史二首

舜作九成樂丹鳳儀其宮周備既醉福高岡始鳴樞區區漢宣
帝雜霸欺羣孽憚誅廣漢族一變高文風德教既不任覽輝理
未通惟昔周道衰麟出大野中尼父絕史筆蓋傷古道窮漢治
非虞周鳳來與麟同胡然潁川守乃敢貪天功下義上賞姦甚
哉其相蒙

洪喬晉名士恥為致書郵扁舟石頭路百函委湍流惠固有不
費俯從諒何尤性也倘自異却之尚為優柰何負諾責而令任
沉浮天報在爾子晚解桓溫仇答謝豈不審何至空函投坐此
竟棄絕侘傺歸山邱乃知網恢恢小惡靡不酬寄語輕薄子勿
胎子孫憂

漁父四時歌

三湘七澤雲連水棹意行無遠邇江花時傍綠蓑飛水鳥忽
隨清唱起醉後懽呼踏浪兒鮪可鱠兮杭可炊芳草從教天樣
遠都無閑恨可淒迷碧桃幾片來何處試訪秦人武陵路

朝霞沉綺鳥

張本作鳥

鵲興釣車徐理柳一鳴夕蟾散金鷗鷺浴乘

流蕩槩清江曲行人卓午汗如流綠陰濃處杖扁舟絲綸卷盡

身無事日長睡足風颼颼覺來一觴仍起舞未信人間有炎暑

世人只詠江如練此景何曾眼中見露零零張本作冷月白人已眠萬

頃風光濃自占尊鱸况復生計優酒醒還醉餘何求有時閑看

飛鴻字斜倚竿竿高不掉頭曉來誰喚招招渡一笑夤緣葦間去

白浪粘天雲覆地津人斷渡征人喟欲矜好手傲風波故把扁

舟恣遊戲雪簑不博狐白裘尺寸之膚暖即休賣魚得錢沽美

酒翁媪兒孫交勸酬田家禾熟疲輸送樂哉蓬底華胥夢

省齋文集卷二終

省齋文集卷第三

周益文忠公集三

本詩

起隆興癸未止乾道乙酉
臨安 廬陵

四禽

人言百舌巧暑至輒無聲不如鳩雖拙四時知陰晴提壺勸我

飲我醉誰解醒布穀獨可聽要當早歸耕

恩許奉祠子中兄重寄臣字韻詩再次韻

迂儒豈足助維新日奉威顏謝主臣可罷本非緣一事致疑初

不怨三人兄弟有緣供溫飽畎畝何階答聖神此去讀書真事

業向來正字誤根銀

補齊文集卷之三
周亮工集卷之三
次韻子中兄相迎詩中有真松楸之語追念別後叔母子
柔下世故卒章及之

浙水秦淮度十霜官清誰薄簡編香春來怪底鳥鳥樂歸去喜
同燈燭光身近廣寒猶內熟手遮赤日却心涼只愁初踏江邊
路封土纍然似斧堂

某求去之日乾鵲噪簷劉賓之正
在坐戲曰遷手某曰遂志耳果然

次韻陸務觀送行二首

蓬閣虛生白蘭臺汗殺青英遊迷歲月神武動風霆遷擢思頻
忝黔黎困未醒空晞范蠡去羞對浙江亭

議論今誰及詞章更可宗三年依玉樹一別遂塵容盡日尋山

寺思君傍塞

務觀將
赴京口

五言何敢續持用當緘封

張淵道侍郎挽詞二首

藉甚中興日歸歟載戢秋周旋黃石法邂逅赤松遊名與衡山
峙身隨楚水流若為窺智勇家世本留侯

南國頻移鎮西清疊進班衮衣元繾綣貝錦謾爛班斜日逢單

闕

公夢以
已卯夏

流金識大還惟餘千字誄傳誦滿人間

重九竹園見梨花懷子中兄

春花著雨既塵埃何似深秋耐久開菊尚無多饒瑞質霜如有
意護香腮也知林下風光早不為山中歷日催望斷行人思折

寄却疑呼作嶺頭梅

九月十八日夜忽夢作送王龜齡詩兩句枕上足成之

匈奴何敢渡江東一士真過萬馬雄唐室安危誰可佩雪山輕

重屬之公天臺不納尚書履鄉縣猶乘御史總行樂休嫌園小

小高歌幸有鼻鼻隆龜齡家有小小園而侍姬號隆隆

寄題龍泉孫大同司戶三桂堂

山居速化值千莸孫家種木惟種德一朝仙藉浮桂香昔笑其

迂今改色鄰翁答兒乞條枝不惜莫浪裁君不見天街十二綠

槐滿獨有城東之槐應三台

題神岡廟其神蓋六朝時劉竺使君也

岸斷川平拔一峯丹青剝落古靈宮邦人歲久忘遺愛賈客時

來乞好風二水有情猶磬折霜楓無數尚旗紅岡頭故址宜亭

樹榭城郭江山在眼中

去年會慶節初上壽儀勅差翰林承旨今樞密洪景嚴攝

殿中監執酒盞予攝少監以酒注於盞既而準故事權停

此禮但拜表文德殿下從駕朝德壽宮今年赴永和觀罷

散武弁三數人而已有感成小詩

去歲茲辰侍赤墀詔黃親許奉瑤卮如今不及封人賤猶對君

王効祝辭

再次去年子中兄送黃雀不至韻

祝壽筵開正小春兒酬弟勸喜津津披綿走送非無意小愧乘
成多忘人

送芮國器察院漕廣東

星聚曾尊德箕張各避風別離雙鬢異邂逅一樽同五嶺皇華
使扁舟漁釣翁江分鴻不書札若為通

龍須道中

客勞一作田頭餉渠憐馬上郎作勞并磬控未用別閑忙

舟
同子中兄遊龍須吉祥善生諸寺歸至柞樹渡大風雨中登

編尋山寺穿雲子歸戲風波踏浪兒事業如斯官給廩廬陵米

貴有人饑今春不雨民方艱食

甲申中秋子中兄賦詩有人月分圓二十年之句蓋歎中
間多難且離別未嘗為此會也因次韻

世事渾如蝸過前刀頭喜對鏡飛天陰晴萬里同茲又離別前
時照幾年此去莫令疎會合從來無意必騰騫幾思種林迎佳

節窮鬼還來笑買田近屢為此計垂成輒破

夜坐困甚

馬通薪熟夜爐深
拄膝承顏夢欲成
不記坐來湯沸鼎
却疑蓬底聽灘聲

乘成臺觀雪憶子上兄

南雪霏微積便張本作漸
怖兒童只慣管中窺
誰知今歲望不斷
天

與一臺成此奇苔
護履痕氈疊疊松
垂談塵玉枝枝團
藥忽憶

新令君天際帆飛歸張本作定
不疑

次韻王少尹張本作府送蕉坑茶

昏然午枕困漳濱
醒後張本作以清風賴子真
初似參禪逢張本作聞硬

語久如味諫得端
人王程不起清明宴
野老先分浩蕩春
敢向

柘羅評綠玉待君
同碾試飛塵

同年劉辰告妻易氏挽詞

曾師班女頌兄功
何意安仁悼德宮
圍解領原芳譽遠
塵昏鸞

鏡玉容空蕭騷風
棘悲諸子寂寞笙
歌泣舞童莫訝無
從出哀

涕良人契合四般同

二月十七日夜與諸弟小酌
嘗榘實誤食鳥喙鳥喙鳥也

古書云以堇實酒殺人戲成小詩

伏神老芋不傷生
江蟹螭螟禍亦輕
我獨好奇嘗酒堇
誤思榘

實殺三彭

題聳寒圖二絕

浪傳魁梧越滄溟過譽清夷得好銘今見畫圖寒乞甚心聲心
畫果難形

道山仙聖典刑真原廟功臣劔佩新歸掩柴門無此夢撚鬚畫
腹對斯人

二月二十六日攜家遊青原歸入陽園酌醪盛開誦子中
兄搗雲搖碧露繁星之句賦此詩

偶從山寺賞春還問訊名花已破慳清絕比梅加馥郁丰容似
菊更妖嬈碧雲重憶尊前句紅纈遙思醉後顏寒食清明祇旬
日綠齋芍藥待君攀

故翰林端明汪公居零陵時常作玩鷗亭今疆中提幹敬
以其榜揭荆溪第中命某賦詩

賈生問鵬謾傷神應愧先生入理深肝膽何曾分楚越心形直
欲混人禽亭郵永鎮愚溪上扁榜重開菴畫陰見說騎鯨游汗
漫倘憑鷗鳥一傳音

永新賀升卿攜中原六圖相過其論古名將出師道路形
勢可指諸掌為賦此詩

歷歷山河一卷書博聞疑是古潛夫金未入職方考玉座正

披輿地圖取號不應須假道勝齊終恐用真儒從來美璞勞三

獻豈比巾箱襲砭砭

君嘗再上書

次韻為國器憶去年上元二首

使節番禺重中朝社稷臣喜沉刁斗夜遠布玉墀春古寺看紅

葉

報恩寺菩提葉燈最佳

蕃街試幻人餘歡曾盡否應記繞梁塵

門外人隨月窻前竹動風老便佳節靜病幸綠樽空春至鴻聲

北人遙蝶夢東隔年詩有債生理固知窮

次韻廣東為漕時聞其部中寇退而湖湘之民方避地來

此

笑酌貪泉為賦詩凜然清節照南夷既空不納如羊馬才大常

嗤捕鼠狸盜已奔秦非地險心遲去魯只天知愛君勤把歸鞭

促莫待鸞旗訪具茨

病廢壺觴懶廢詩漸參禪悅學希夷志非鴻鵠寧憎燕路怯豺

狼更畏狸節物忽忽愁裏度人情擾擾靜中知己營二頃親臺

笠何日三間看墜茨

胡季懷有詩約羣從為秋泉之集輒以山果助筵戲作二

疊

近詩通譜江西社新釀纔先天下秋已許眼中窺一豹可容盃
裏散千憂

君家香醪蜜不如試投桃李望瑤琚敢誇所有易所無潘郎一
山果盈車

病中次務觀通判韻

老眼亂蟬翼樂事歎可有經年不銜盃暇問濡首愛山空在
山摘埴詎容走塵埃登高帽生澁彈棋手三年一蒲團近者坐
欲朽朝來獨何事乾鵲窺甕牖開門得新詩刮膜如釋負卷舒
幾百回呼舞駭鄰友吾曹交以淡悠久或采韭此味只自知他
人薄元酒

次折仲古樞密韻寄題耒陽曹欽臣彥若藏書室

讀書清淨業病亦與心違簡蠹蟬穿字帙藏蛛織衣羨君傳七
畧何日歛重闈不憚浮湘去其如失步歸

訪胡邦衡庭前四菊甚因賦二絕

大杓親分兩玉瓶東籬手植萬金吳荒園有酒愁無菊擬乞繁
華助眼明

揮毫曾對沈郎花好事今同元亮家即看槐庭滿桃李霜枝留

與野人誇

今西省紫薇花沈德和植前句常及之

往蒙邱宗元紹知縣以佳句為壽今承解印次韻贈別

百里人人卧去輪兒從父老季從昆飛鳧空戀古張本作王仙伯展

驥難留龐士元蟾桂影圓人欲別驪駒歌闋客無言太微已動

哀鳥鳥色應待循良歛相垣

十月十七日大橋堂小集胡從周季懷以予目疾皆許送

白酒彌旬不至戲成長韻

畏疾甚畏威目昏口止酒爾來時一中免使論薄厚儀康業廢

祠釀具散莫糾採藥山已焚白酒以野草為餅藥種林時轉後門稀問字

客室乏借書在尚賴金石交每顧貧病叟前時相誤樂如對疏

廣受有漿不待乞似驗歲在酉今日掃風軒明日毛園菽白衣

兩不來往往化鳥有頗聞繼高會霑醉牛馬走宜忘伐木詩酤

醕各朋友或疑決西江恥復餉升斗胡不玩易象樽盞納吾牖

二義倘未然諾責何為負君兮優阮藉僕也減充守結交十五

年果可不飲否食言能無肥有孚乃免咎速宜倒糟床走送昔

與醜勿學比舍郎夜半招吏守部協音

送七兄監廟赴南宮兼呈大兄知縣二首

俊兄才學眾人知富貴功名自有時海運今看鵬怒擊韻成始

是鳳來儀牀頭謾說文階峻榜眼常多紫綬垂太上朝連十榜進士第二人所

歷官皆
過大魁
之兵火以來
故物惟此耳

家有鄭公遺笏在一聞吉語即相貽

上世有楷笏遺訓
傳登科者今某守

河梁曾誦送行篇蝸角牛毛十五年

庚午冬某赴
省兄詩云爾

畢竟中間皆

夢耳祇今相對各蒼然蕭蕭暫隔連床雨蕩蕩初行萬斛船誰
近上林看躍馬東陽詩句定先傳

曾英發運幹頃攜二詩相過今復寄贈大篇且惠漢唐金

石刻輒次前韻道謝

君家奕葉播芳聲室有圖書暴雨榮詩什編成風雅頌寶章臨
編草真行興來文陣千軍掃醉後談鋒一坐傾已許春風來過

我從今日日聽嚴程

屢空不擬論錢神多病唯思對藥臣驟獲斷碑勝與編徐觀妙
語可書紳起予字字興三歎集古駸駸訪九垓欲寄嘉州選何
物折楊聊復和韶鈞

贈孫次山

南澗有奇松歲晚鬱青蒼北隴有寒梅同傲雪與霜實大華更
榮二美乃相望我從採樵歸聞此百步香不辭踐荒穢所忻識
孤芳可玩不可折折枝亦何傷但恐入市門羞薄時世粧少須
子含酸且復成其章味宜調鼎食材可中虹梁知音不難逢會

當貢明光

十二月二十二日葛守送羊羔酒戲占小詩

馬乳三年隔大官羊羔今日倒芳尊淺斟低唱非吾事醉夢惟應踏菜園

胡邦衡送酒有酒婢之語次韻

侍郎情所寄九媪屈楊枝釀熟仍親酌方成一段奇

省齋文彙卷三終

省齋文彙卷第四

周益文忠公集四

詩起乾道丙戌止己丑
廬陵抵宜興江行

青衣道人羅尚簡論予命宜退不宜進甚契鄙心連日求詩為賦一首

亦知磨蝎直身宮懶訪星官與歷翁豈有虛名望蘇子謾令歎
惡似韓公時清早退人誰肯命薄當閒我自通破戒問君問會
否幾人於此不相蒙
退之云我生之辰月宿南斗東坡嘗論此僕之星辰偶同

次韻胡邦衡二首

馮翊當年助匪頌殊方此日奉賓歡淺斟想對銷金帳生意重

尋一作羞看白玉槃蟻泛似緣羶足慕海凝如得毳逃寒十羊百榼
何須辨試問東風可味酸

右立春日飲羊羔酒

姚魏紛紛殆百家天香一出自無譁傷多莫厭扶頭酒貴少翻

嫌滿眼花康樂舊聞宜水竹翰林新調帶烟霞

李白云他人之文如山無烟霞

而其清平調正為牡丹作

從渠草木成新巧終愧吾公正且葩

右二月十二日牡丹一花先開

再賦羊羔酒

日日茅柴帚掃愁羶葷暫逐富兒遊山中萬足天美祿贖作酒

材共拍浮

二月十五日同兄弟甥姪遊西臺次子載弟韻

地飲成真率天風怒澁慳臺臨平野迴人對老僧閒已是尋春
至仍容載月還郊坰有如此能不數追攀

頃創棊色之論邦衡深然之明日府中花會戲成二絕

局勢方迷棊有色歌聲不發酒無歡明朝一彩定三賽國手秋

唇雙牡丹

謂新妓李榮李棠也

醉紅政不妨文飲呼白從來要助歡棊色應同三味色牡丹何
似九秋丹

二月十七日葛守錢倅出所和邦衡羊羔酒詩再次韻簡
二公

德似羊羔春共頌政如醇酎野多歡屬厭靖節盃中物屢費將
軍竹裏槃疇昔調飢惟飲濕祇今軟飽不言寒唱酬妍麗歸公
等自笑梅翁語帶酸

次韻江州林黃中上巳日會邛州劉侍郎梓漕

張本作曹任直

閣於庾樓

牙旗排檻曉鳴風樓上何人清宴同東道主開軍府盛西都賓
共聖賢中詞鋒永日論堅白輦路他年記軟紅頗念平生做人

否羽觴寂寞共

別本作坐談空

五月南山蛟壞民田百畝胡英彥有詩次韻

旌陽昔屠蛟勲塞天宇大涵淹此遺種千歲不悔過良苗蔚懷
新倏作渺茫墮懦夫愧鼻祖無策祇愁卧勇哉韓退之切齒鯨
復化土魚鼈枯可剉從今仕執珪

飲飛以斬蛟仕執珪

先已最郡課

胡長彥母解氏挽詞

護死蘭枯及老堂翩翩丹旒逐風翔冰間鱗躍悲餘閣紙上鸞
迴閱古囊年過九齡今代少家畱一桂異時芳衰宗自恨通烟
晚不及陶家饌客觴

橫州太守趙持挽詞

憶驅千騎過田間
充國年耆鬢未班
遺事劇談蘇張本
家穎昌能道作黃
蘇黃門事閣老
舊遊追記玉門關
橫槎只道南通海
沃夢那知夜
裂山宿將如今幾
人在稍聽鞞鼓涕先潛

次韻湯朝美古意二首

來賓有雙雁
峨峨漸江臯
豈嘗謀稻梁
逝將辨臯高
乃知可為儀
初不在羽毛
鄙哉負塗豕
躡躅爭一槽
雲間兩鳴鶴
清聲聞去
聲蘭臯洗我
鼃龜耳
興逐秋天高
頗欲從之遊
安得六翮毛
歸來三歎息
誰家鬧檀槽

遊茅山道中望岡阜西南來勢若連環既赴三茅而尾北

擲馬上口占

千峯溧陽來勢若西南奔
遙拱三茅峯不敢迫至尊近三茅三無山

茅如軒縣次序儼弟昆
正西關夷塗羣仙之所門
至今下泊宮

往往弭旗旛

戲示凝神庵張椿齡春齡時傷足不能行

仙師足厭踏京洛
亦復懶控茅峯鶴
遺形聊示德充符
閉目定

從陳鉄脚事見山記朱自英傳

次韻溧水令李彥平清賞圖

俗吏才拘拘書生志落落均之窘几案底處著邱壑中山李長

官整暇非政學庭虛吏早散園古門張本作句頻琢問之何能爾行

道輕去就誰如班孟堅齷齪事元舅紛紛名利場風俗日益蠱

腰圍黃金帶巧宦不能取惟有佳兒孫未易以力致君看杜房

輩勲業照文字徐勣尚笑之垂誠甚切至何如遺清白世有賢

者類詩書聞過庭杖屨奉安步邑人爭指似玉立稱祖父豈惟

尉眼前門戶賴不仆翁乎復何憂弦歌樂朝暮

蕪湖宰沈約之端節惠詩編次韻為謝

令君到處既文場未泊簿書期會忙神術有時朝賜履賡歌無

路贊垂裳彭州篇什元飛動工部交遊更老蒼自古詩人貴磨

琢試看淇澳詠文章

池陽四詠

夜泊清溪弄水亭棹謳徐起月華明水晶宮畔西湖上除却兩

邦無此清右弄水亭

天遣江山助牧之詩材猶及杜筠兒同來稍喜唐風集今信樊川是

父師右杜荀鶴村

君葺城樓望九峯我能徧踏九芙蓉飛雲捲雨輸賢守透月穿

天乞老農右九華樓

地占齊山最上頭州城宛在水中洲蜿蜒正作雙虹墮吸住江

河萬里流右翠微亭

再登翠微亭和同年湯平甫知縣二首

上清別殿舊通明仙聖飛騰戶不扃出郭尚疑窻列岫絕提始

露嶽真形提盡尋水而觀石骨層出山形在此奇奇怪怪無非洞下下高高總可

亭但把醺酣酬絕景天風吹面徑須醒

相君早日翼天飛晚落江湖罪以微好事一時開翠壁佳名千

古記黃麻王哲山記云或謂因唐刺史齊映得名予觀映傳及池州題名映未嘗為刺史而裴度所作壁記但有倉

部郎中齊君又在元和四年非映甚明而映罷相後嘗歷江西觀察使池舊隸江西則此山以映得名不為無據特不當言刺

史朝遊要及鴉翻樹夕返何妨螢濕衣更得湯休奇絕句後來

誰憶謝元暉

登九華山化城峯

攀蘿度險捷猿猴石角鈎衣屨盡穿莫訝遠尋金地藏也曾徐

步玉堦前

登龜山

注坡綠壁化城中客愠奴嗔我亦慵及至龜山還一上為憐高

閣對雙峯

贈崇壽寺僧善修

老僧九十視耽耽二十年未不下山我得九華充法供亦能禁足

老山間

游雲光寺李提舉庚領客將至留二小詩

來如負弩先去為乘驄避江祖一片石留伴幽人醉

作者正七人賓主飲中空八仙長齋詎容醉晉也合逃禪

泛清溪至玉鏡潭

清溪水色勝如張本藍祖石移舟下鏡潭妙絕畫屏并碧玉謫

仙不見與誰談

望皖公山

太婆嶺獨高秋浦皖公山正望龍舒端如牛女隔天漢不似彭

郎近小姑

遊廬山佛手巖雪霽望南山

十日頑陰不見山山中一夜雪封庵伊予的有尋山分日照北

窻雲在南

案知聖道齋本誤以題楊圖南秀野堂第二首移至此首之後依翰院本校刪

遊廬山弔大林

上盡諸峯地轉平天低雲近日多陰古來南北通雙徑此去東

西啟二林虞世南碑從泯沒白居易序合推尋康廬第一真仙

境忍使如遂陸沉

天池觀文殊燈

代馬腥羶暗五臺南方世界且徘徊一燈別是真知識不用犇
波學善財

贈棲賢藏主可昇

眉州人與予同庚

我比同年百不能只餘霜鬢愧師兄慙慙覓句無言說共撥寒
灰聽水聲

遊廬山舟中賦四韻

南北周廬阜東西徧九華宴安無醜毒痼疾有烟霞淡薄村村
酒甘香院院茶馳驅君莫厭此出勝居家

陳宰有詩來迎次韻

沿沂江湖樂有餘滔滔何必歎東祖賞心到處窮佳境好事逢
人得異書風浪送颿時一快魚龍潛穴不須驅歸來正使無泥

洗合壓香醪作歲除

是行徧歷三茅九華匡廬西山又獲書籍碑刻甚畜

七兄以詩相迎次韻

昔作忽忽去今成緩緩歸江山若招隱鷗鷺信忘機已分漁舟
老還思雁序飛天公知客意帆飽水生肥

案知聖道齋本誤移後四句入題楊圖南

園亭詩依翰院本校正

走筆次七兄韻戲奉新新莊

臘月更兼逢臘日滿江飛雪兆豐年從兄預借南昌米多釀新
醪醉樂天

次韻胡邦衡相迎

路逢驛使嶺頭回喜得新詩勝得梅情似春風綠楚柳白如臘
雪肩韓瑰祇今皇側求賢席底事公銜樂聖杯台路六符行復
煥丹心一寸未應灰

向以書戲邦衡云某自廬山遊西山當就迎公召

張本作石節

今邦衡有詩督此語不驗次韻

慧

張本作惠

遠遙同社淇崖近拍肩松枝年紀萬棊實歲踰千

天池在廬

山絕頂有萬年松香城徑欲通天漢忙因權酒船

帥漕附致厨醞四十尊寄

邦衡香城均一握易地即皆然

邦衡所居亦曰香城山

次韻張安國二首

連歲遠出近方拜觀安撫待制舍人送李乘將仕

張本作士

詩中有見及語次韻二首其一賀轉運直閣新命其一

上塵祭戟

往時渡長蘆行役甚迫東忽逢萬人傑大勝十年讀升沉既日
異歲月空電速公乎國元龜用舍興替卜如何白玉堂傑直不
滿宿其惟中興主志掃伊吾北宣容廊廟具尚賦諸侯祿相茵

朝以登胡騎夕可逐斯民補瘡痍郡縣寬金穀重將大手筆繼

鏤泰山玉

唐封禪
燕公文

子房思赤松冠掛帶不束高風動縉紳盛事爭誦讀向來進匪

銳今退那得速皇帝六載冬薰燎郊再卜均釐際蓋壤賚予首

者宿煌煌舊使星密映紫微北要令對青藜聊復寓天祿人言

驥雖老萬馬未易逐方為帝者師敢請罷辟穀魯公從周公榮

哉佩聯玉

致政楊圖南扶筇判惠園亭石刻來索惡詩寄題四首

七十歸來古亦稀誰瀕四十掛朝衣天如不發湖山閱林下真

無一士歸

不向山林不肯村清江東畔邑東門雨餘徐步看山罷植杖沙

邊試水痕

右湖山亭
案翰院本無第二首

一見堂名憶豫州豈知身在楚江頭主人久享園中樂晚歲宜

先天下憂

有竹無花山澤癯有花無竹雪肌膚洛陽城裏花連竹迂叟規

模定不迂

右秀野堂案知聖道齋本誤移七兄以詩相迎次
韻後四句置此以此首移作遊廬山雪齋望南山第

二首依翰
院本校正

次韻楊文發承議

才思春江下瀨船腹藏經笥更便便坐觀林谷升初日吟到雲
山合暮烟憶昨傾囊攜過我知君得句總堪傳古來虛誕相如
賦枉使劉郎意欲仙

樂順之司理用楊韻贊予去歲江行遊山之樂再次韻

溯洄險過峽中船賴有名山寄靜便邱壑遂將從粟里功名何

敢夢張本凌烟古賢才術今誰敵野老風流未可傳超取桃花

日千里蓬萊方丈會羣仙君將順流造朝

寄題太和陳氏益龜堂

講堂昔日飛三鱣學館如今益十龜文字之祥君勿卜明年春

榜印纍纍

次韻樂順之司理新釋花權及上元不張燈二絕句

一自樂卿司樂籍天桃穠李鬪誇張陰成却落他人手始悟分

廂作法涼

天闕華燈亦有情知君身不顧傾城遙憐擁被哦詩句却遣隋

珠照夜明

信國太夫人慕容氏挽詞二首

門地榮聽履夫家世夢松初終無一欠見張籍詩富貴有三從疾愈

龍宮藥恩加象服封乘鸞期忽至談笑返仙峰夫人去秋屬疾上賜藥而愈旋

啟國封今
聞無病薨

早慕闕游識曾饗截髮餐升堂乖宿約襖洛罷榮觀女使新彤
管宗臣泣素冠哀榮誰可擬嘉祐富之韓

胡邦衡相過賞金鳳許詩未送邦衡復作木犀會二花殆
是的對偶成四韻

身閑端合醉秋光兩地名花况芳金作鳳形如許巧木成犀理
若為香髻頭自笑辜釵色沙面誰知識帶黃莫閉詩壇偃旗
鼓天生的對欠平章

鹿鳴宴坐上次錢守韻

制舉巍科世有賢聞孫傳業中興年貢才合益諸侯地寵餞真
開刺史天有弟已容持布鼓無能仍許鬻梳鞭太平故事西崑
體指日皇都萬口傳

魯季欽少卿安序堂次朱希真韻

行藏本同途明哲遇輒安畎畝道可樂肯思負鼎干膳肉倘愛
禮豈遽涉汶川大哉天地準笑汝士女耽丈人三吳秀此理久
已參緬懷洛京老知音賞英咸佳名表棟宇妙語來江山至今
編簡香不謂室有蘭君看為邦問正在簞瓢間閱世從川流如
愚安石磐聖門惟若人始可語易占不見繫辭中巍然持書顏

邦衡置酒出小鬟予以官柳名之聞邦衡近買婢名野梅故以為對

濁水難攀清路塵偶曾先後掌絲綸歸來久侍茵憑舊至後初逢梅柳新湖水欹斜應有意

東坡詩日出冰壺水散花野梅官柳漸欹斜

春光漏洩

不無因絳帷幸許天荒破日日當為門道人

楊昌英示性說次韻為謝

聖學榛蕪久掃除誠齋刻意紹淵興羊歧自昔迷多徑雞甕從今識廣居西洛窮源談近似南宗探隙說真如早知大道容方軌何用危途轉棧車

再次韻送楊昌英赴麻陽宰

未結綯絲侍玉除聊紆墨綬奉安輿諸君相尚恥為令明府何妨大所居歲美莫憂君不足日長當念我無如玉床箭鏃何勞寄只願章交使者車

胡季懷惠六出梅一枝仍枉絕句率然次韻勿笑拙速

怪底靈張本作梅花今歲少東君聚巧入壺春老夫只學龜藏六未

羨梢頭首面新

夜夢次陳立夫韻

慣伴山僧汲澗泉懶隨年少夢遊仙風流輸與賢兄弟朱閣臨

風教李娟

非想所及不可曉也

七兄以小詩相戲走筆和韻

小蠻未解轉鶯簧鑿壁偷分富燭光不是龐公靈照女誰人為

作起予商

隨兒三歲能誣

戊子歲除以糶代酒送邦衡邦衡以詩見戲仍送牛尾狸

次韻

先生豈比習池徒薄醞仍慙校尉厨厨戲糶聊將迨糶救舖糟只

欲伴屠酥削肌知自何人手灌頂疑膏釋氏酬必許尋花兼問

柳敢辭挈榼更提壺

來詩有尋花柳之句

邦衡再送二詩一和為屠酥二和牛尾狸

金谷烹煎豈我徒磨春爭語夜闌厨六年不賜湯官餌除日猶

分刺史酥

是日錢守送酥故用東坡謝泗守故事

小惠無多真畫餅大篇有味勝

清醜遙知發幕哄堂處不見蒸鷺只瓠壺

追迹猶應怨獵徒截肪何敢恨庖厨鱸鱸湖上休誇玉煮豆瓶

中未是酥伴食偏宜十字餅先驅正賴一卮酬却因玉面新名

字腸斷白正白獸壺

牛尾狸一名玉面狸

後兩日大雪邦衡復用前韻作窮語戲和

天憐寓客混緇徒十日無烟香積厨暮雪故教投碎米饒涎那

更忽流酥旃毛噉盡寒生粟風絮吟時韻怕酬誰以維摩坐芳
綺散花別是一方壺

己丑二月七日雨中讀漢元帝紀效樂天體

昭君顏如花萬里渡難澆古今罪畫手研醜亂羣目誰知漢天

子衿

張本作祇

服自列

張本作別

屋有如公主親尚許穹廬辱况乃嬪嬙

微未得當獯鬻奈何弄文士太息爭度曲生傳琵琶聲死對青

塚哭向令老後宮安得載簡牘一時抱微恨千載留臍馥因嗟

當時事賢佞手反覆守道蕭傅死効忠京房戮史臣一張紙此

外誰復錄有琴何人操去聲有塚何人肅重色不重德聊以砭世

俗

古今賦昭君曲雖大賢所不免僕矯其說無乃過乎

楊文甫主簿頃惠佳篇今赴松溪次韻送別

投林倦羽久知還尚客君家伯仲間入市每嫌妨杖履

張本作履

歧那忍問河山家聲好在金陵簿

謂揚於陵也

人物爭看玉筍班他

日銀黃夸里後不妨徐伴野夫閑

錢守青原瑞靄圖

己丑夏早得雨有獻此圖者

青原臺城知幾春倚欄但愛江山新那知遇事發奇秘使君着

眼惟憂民魯臺當年有故事首驗雲黃期歲美鳳翔仙伯記新

亭不忘遊觀名雨喜紛紛烟靄何足祥豐年上瑞不可忘江頭

白粲連萬檣賸與官家實太倉

胡邦衡生日以詩送北苑八銚日注二瓶

賀客稱觴滿冠霞樓名懸知酒渴正思茶尚書八餅分閩焙主簿

雙瓶揀越芽

見梅聖俞謝宣城主簿詩

妙手合調金鼎鉉清風穩到玉皇家

明年勅使宣臺餽莫忘幽人賦葉嘉

邦衡再和次韻

金華絕出氣凌霞不愧君王坐賜茶

講讀罷例賜茶一甌

商嶺烹來思舊

樣

王元之詩云樣標龍鳳號題新賜得還因作近臣烹處豈期商嶺雪採時猶想北溪春

洛泉煎處歎新

芽

唐劉言史與孟郊洛北野泉煮茶詩云粉細越笋芽

詩評未怕人生瘦鹽濟惟防賊破

家賸欲蒼生蘇息否剛嚴須

張本正是相王嘉

邦衡姪季懷亦惠二詩再次韻二首一頌其叔姪之美一

解季懷生日不送茶之嘲

竹林終日醉流霞下客窮空祇庀茶更欲打門奴酪粥何殊斂

手捧薑芽賜金指日揮疏傳盛饌常時設謝家

用晉陸納捷姪事戲季懷莫

為唱酬供一笑從今便廢爾散嘉

蕭散元真吏少霞樵青日日為煎茶

謂迎恩祖

莫因閩粵臯盧葉却

厭神仙手掌芽竹戶勝基非我事

季懷八月四日生

菊潭試水是君家

不須更酌蘋洲冢世以詩

張本作名

句自嘉

李懷設醴且示佳篇再賦一章以酬五次前韻

卯飲高樓徹暮霞絕勝茅屋已公茶
詩來屢引歐公茶詩故用菊包

深稱嫩芽詩老坐中容我輩
朝賢乞茶詩云越甌花葉空

從來佳茗如佳什屢酌親烹味轉嘉

尚長道見和次韻二首

詩成蜀錦架雲霞宮樣新嘗七寶茶
壓倒柳州甘露飲子厚茶詩猶同

甘露洗空梅老白膏芽
聖俞茶詩春芽研白膏睡魔豈是驚軍將茗戰都

綠避作家怪底清風失炎暑朝來吉甫誦
嘉連日雨涼

鍾山處士映高霞止酒惟親睡起茶
遠向溪邊尋活水閑于竹

裏試陽芽一甌休問帝前席七椀且同僧
在家所愧叔孫無五

善若為重拜晉君嘉

頃嘗夢至善生院賦詩一聯已丑七月十三日因遊續成

一絕

門外千竿竹繞牆清風終日注回廊
五年未續夢中句得得來

追三伏涼

七月十五日邦衡用前韻送薰衣香二帖次韻為謝

天香猶帶曳裾霞銀合行參到闕茶
故事召用兩府將到闕中使賜銀合茶葉及香

馥猶霑吾臭味普薰聊發善萌芽
心清此去誇僧舍意可由來

出內家乞與博

張本作北

山添正氣漸巖曾辱更生嘉

劉向薰爐銘云嘉此正氣

漸巖若山

胡煥季亨示壽詩二首十月二十五日因其生日次韻答

之

諸父聲名塞兩間圭分青白穀朱丹暮年勛業心方壯前日姦

諛骨尚寒

謂邦衡

聞道秋官還簡擢

謂從周

獨憐處士失榮

張本作崇

觀

謂廉夫

如今喜見當家子應賦忠

張本作中

州此日歡

杲杲朝曦正在東文心詩耳一時聰學當鼎盛猶無敵才過期

頤想更工此去宦遊談笑裏後來家慶畫圖中俾昌俾艾詩人

事不似荒虛漢□□

紫竹

曾到蓬山驗異聞浮雲翻動雪披紛紫莖綠葉騷人句不在秋

蘭在竹君

拾遺記蓬山有浮雲之幹葉青莖紫下有砂礧細如粉暴風至竹條翻起拂細砂如雪散

青紫從來豈一端要看同傲折膠寒若將問色思方竹

翰院本作若輕

問色思方節

圓竹應須斬萬竿

武岡太守羅恭挽詞

富貴由身致廉勤守自然常珍惟脫粟老伴只殘編天已賞高

壽人猶望百年千車會葬者誰問大夫賢

憶昨登門日蟠齋擁夜爐疾姦頻黥斷悼在一喑嗚激烈看前
輩疲庸愧小儒英靈那戢木

張本作戢虎

尚想亢狂胡

萬安章

邦彥

字俊臣攜王民瞻楊廷秀謝昌國絕句相過

次韻勉之

瀘溪筆力透天心楊令文追正始音更讀池塘惠連句識君何
待接清襟

後學爭歎雨後中前賢久澤霧中文章郎勉力追三傑他日人
還效五雲

陳平叔相從四年文行粹然臨分惠詩有立身行道之問
敢用陽司業勉學者之意次韻為贈

好因翰斲悟觀書莫守筌蹄覓兔魚華嶽登來卑步屐滄溟浮
罷眇支渠命窮且戲娛親綵道合須牽奉詔裾此外文章真小
技未應傾慕蜀相如

贈黃格非

詩社飄零二十年春官老子復登仙

謂曾吉甫

豫章幸有橫枝在好

覓鸞膠續斷絃

省齋文彙卷四終

省齋文彙卷第五

周益文忠公集五

詩

起乾道庚寅止淳熙甲午
廬陵臨安

送梁山長老智顯

秦人溪畔漢人山萬木參天六月寒
寫向湯休詩集裏老夫要作畫圖看

邱成之司理明遠閣二首

榜題聊復借揚雲千古行藏本自明
此閣定非天祿閣肯因寂寞便輕生

家傳秘籍慕班劉有子當追向與彪
好事一瓶如許借樓前百

棧果為邱

君家藏書
五世矣

奉新宰楊廷秀攜詩訪別次韻送之

誠齋詩名牛斗寒上規大雅非小山向來志氣薄黃散忽為五
斗輟萬卷兒童笑君非良圖丈夫出處宜知渠吳公適為南州
起昔日河南今在此好賢薦士任以身門下賈生子其人鄙人料

事倘不誤早寄重修滕閣句

吳明可帥豫章方
修滕王閣故及之

五月三日遊簡寂食甜苦笋知觀歐陽齊年求詩

疏食山間茶亦甘况逢苦笋十分甜君看齒頰留餘味端為森
森正且嚴

去夏邦衡胡侍郎生日嘗因茶詩致善頌其語果驗再賦
一篇為大用長生之祝且求賜茗作潤筆

壽盃又是酌流霞醉眼還醒講殿茶舉世耽謠思舊德隔年詩
識託新芽漢帷果慶登三傑胡幕何愁不一家賜也多言如屢
中合分龍餅示旌嘉

秘閣簷推李監仁甫得湖北漕用温公故事作小詩送之
臺門屋壞中丞去秘閣簷推少令歸賴有温公遺事在故應早
晚入黃扉

昨以清醇之酒為邦衡侍郎壽乃蒙惠詩且約深秋清集

至時侍郎當捨芙蓉而面三槐某已歸醉東籬悠然見南山矣次韻為謝

觚稜回首六經春重挈荷囊上要津桑下未忘三宿戀柳邊仍

喜一番新

復居舊宅然芙蓉豈若楊柳腰肢耶

即開東閣招奇士快與西湖作主

人聞今日玉壺盛集

濁酒誇張真過矣如公詩句乃清醇

邦衡侍郎再惠春字韻詩次韻懷舊敘謝且致登庸之祝

年年都

張本作郡

圖共尋春夜夜神岡醉問津公從雞翹思典厚我

遊麟省寵光新願聞玉鉉調元日幸攝金鑾草制人致主勛華

端有望澆風於此合還醇

邦衡侍郎用舊韻慶予生朝賡續為謝

蓬山落拓復經春宦海茫洋來問津志節漸消平日壯鬢毛空

比去年新午橋早並緋衣相一月還同赤壁人

邦衡以壬午六月生予以丙午

七月生又同居廬陵故用裴度周喻事

天遣駑駘從

張本作追

驥駮無如才德異疵醇

夜直懷永和兄弟

玉堂清冷夜初長風雨蕭蕭憶對床徽道傳呼鐘鼓密夢魂那

得到君傍

重陽預約三館同舍登高於真珠園前數日李粹伯秘丞

除殿院

勝遊原在十人中健翮先培萬里風落帽有誰追戲馬我冠無
計屈乘驄對門尚許官曹近光館猶期燕會同幸可誇張年少
在未須細數菊花叢

與館中同僚會邦衡侍郎於南山真珠園後兩日翰苑作
開講讀會予不赴邦衡有詩見懷次韻

講席人期相鄭覃石渠我忝繼齊堪碧琳殿邃同宣召白玉堂
深接笑談寓直敢陪東道主登高應想北山南洞巖勝集空回

首何日芒屨許共探

碧琳在禁中近因宣召至馬洞巖廬陵勝處去年於此賞梅來詩有紅粟寒梢之約

云故

次韻邦衡哭季懷

談鋒激烈劍芒寒素蘊光輝珠在潭萬里未行麒麟死百圍將
半豫章殘山中宰相今誰繼地下修文古亦難一讀名章三嘆
息淚流何止雍門彈

紹興庚辰九月二十三日與浙江道權帥同年程龍圖並
試玉堂庚寅歲由少蓬寓直摘文發策試館職亦九月也
有懷泰之輒寄四韻

當年給札踏金鑾重到依然九月寒

今年寒極早

學士策詢學士策

秘書官試秘書官自憐綠鬢非前度尚喜青衫總一般寄語浙

東程閣老莫矜紅旆笑儒酸

陳叔進秘書送鶉分粟為謝乃辱佳句次韻發笑

有鶉不博禾三百却向枯河擲釣緝他日陳平宰天下如瑜翻作指囿人

夜直玉堂讀王仲行正字文編用入館新詩韻

軼材騰驥驟湧思決河渠枝茂根先實名高士豈虛君王憐舊士館殿有新除努力功名會燕然欠大書

草具屈邦衡侍郎蒙賦即事新詩次韻皆敘坐上語他時共發一笑也

舊第閑梅塢新枝泥柳橋情先春色動節後歲寒凋久矣承三接宜然冠百僚不須驚鶴髮未礙插蟬貂

和范至能舍人農圃堂韻

荒淫吳以顛戰勝越為

張本作云

吉是非兩安在阡陌眇蕭瑟公來

開別墅草莽手爬櫛陰晴及寒暑每到皆勝日新詩弔興廢收拾滿箱帙有客師元亮甫謝彭澤秩幸分北窻風容此易安膝

徐稚山 林 龍學挽詞

有美傳清雅無心問介通僉言宜僕射景疏避司空

稚山初言兵不可輕

用忤王龜齡而去湯丞相疑可助已薦為給事中累辭竟不起人始服其介不徇時故專用徐宣徐邈事 身後疏巾

省齋文集
周亮工集卷五
斂生前濁酒中吳鈞魚路掛灑淚寄西風

昔者陪簪筆比隣記鑿垣十年何間潤一見欲無言哭鯉何多
難葬羸真少思天乎如可恃門戶看諸孫

徐子禮藏

張本作藏

宗丞挽詞

符節何妨彩服斑專溫清室求閑賓朋忽弔西河上父子繼

遊東岱間前日臺門哭瓜葛同時華屋落邱山不須更問相從

舊行道之人亦涕潛

慶邦衛生朝用去年韻

勁氣危言五十春今騎廐踏天津葵傾夏日心彌切松度秋霜

色轉新鼎鼐調和知有日君臣慶會豈因人

謂壬午與周流四

府須三紀壽筭休辭痛飲醇

胡廣周流四公三十餘年通鑑五十七

入直召對選德殿賜茶而退

綠槐夾道集昏鴉勅使傳宣坐賜茶歸到玉堂清不寐月鈞初

上紫薇花

時兩株盛開

陳君舉示張孝愷行狀且求詩孝愷嘗攝令華亭有善狀

簡惠唐蘇令文章漢甲科滿朝空慰藉漫仕竟蹉跎有命窮何

病無年理則那輓謳嗟不及留與邑人歌

圖經唐蘇齋攝華亭縣令在官簡惠蒞事

正公

過鄒子湖

萬頃湖光似鏡平
蜿蜒得得導舟行
從來仕路風波惡
却是江神不世情

奉祠還家姪繹以詩相迎次韻

聖朝有道何羞貧
清晝那容畏路珍
金馬玉堂辭漢殿
桃花流水訪秦人
敢吟莫莫休休句
且佚膠膠擾擾身
高會竹林欣有

日刺筍玉友釣清

翰院本鱗作溪

頃在道中聞邦衡侍郎將進周禮新解嘗賦詩就為六月三日壽或謂名在丹書不當玷汙西清之儻老羞愧而止

今蒙俯記生朝特貽佳作既仍舊韻敢隱鄙言狗尾之續

斐然鶴頭之側必矣

九十談經似子春

杜子春年九十以周禮授鄭眾等

三公虛位待平津
禮文元

秉周邦舊義訓重頌楚老新
鷓鴣閣行看迎太宰象筮應記講庖

去年公在講筵講周禮至庖人而請去

太平致了陰謀息
方信儒真道粹醇

次胡長彥司戶韻為其生日壽長彥新授桂掾

丁年筆力幹千鈞
齒宿於今意轉新
櫻伐廣陵聊作賦
梅開嶺定宜人暫從南極通
冠冕會向東方領
緡紳菊有黃華潭有水願尋漢事壽佳辰

前歲冬至與胡邦衡小語端誠殿下道值夏舊事今年邦
衡舉易緯六日七分之說輒用子美五更三點為對後數
日得劉文潛運使書記去年館中團拜十人今作八處感
歎成詩

青城小語慶新陽共向紅雲拜玉皇六日七分驚歲月五更三
點憶班行屬車誰從黃麾仗釣艇還飛白羽觴猶勝去年三館
客十人八處耿相望

十二月十九日餞別劉文潛運使明日書來云醉夢中作
小詩但記後兩句為足成之

幽人門巷冷如冰使節光華肯再登今夕青燈話三館明年何
處說廬陵

胡邦衡賦琉璃燈簾詩次韻

雞林空說夜明簾螿禁曾迎金炬蓮却向江城度元夕同看燈
箔樂新年盤紅坐覺光如畫

白端令意欲仙

西京雜記漢武時西毒國獻白光琉璃鞍在暗室中光照十餘丈坡詩武帝憑虛意欲仙益用

梁武帝論書事歸對短檠惟寂寞酒醒漏永不成眠

送劉子和教授赴贛州兼簡府主洪景盧二首

伊昔青衿地於今絳帳師家聲傳叔贛宦學類先之

李朴先之贛人後為

本州教官久已鵝音革居然鱸服宜誰開丞相閣此士獨非奇

籍甚詩書帥中和正爾歌人留河內寇帝念禁中頗餘事哀丁志多聞重乙科固無官長罵解使客羶多

邦衡再送皇字韻詩來次韻

賓鴻列陣競隨陽却向丹山隱鳳皇銀管題詩紛滿帙金釵度

曲儼分行漢宮早促三更席梁苑行稱萬壽觴上頃諭公早晚令卿觀朕大舉

同遊大梁又聞虞相陞辭奏云今年當會於東都上壽顧我飄零無著處非公湔被尚誰

望

又次邦衡長子泳總幹韻

乃公剛馥迅詞章濟美人推小贊皇君實固難安洛社張本作洵子

虛亦合薦周行牛屠十九看游又鷗擊三千始濫觴早向秦淮

迎輦輅北征旗鼓正相望李棲筠文章勁迅有剛毅大臣之目

又次邦衡族姪長彥司戶韻

聖世恩榮盛孝章北窻自欲傲羲皇通家喜燕雞豚社治郡愁

親鴈鷺行陌上花開人鬪草甕頭酒熟客傳觴及時行樂君休

厭召驛相將項背望

同年楊謹仲教授以詩慶予得郡次韻二首

謬向初元從九旒坐狂朝蹟自宜收虛名誰競兩蝸角懶性敢

居千騎頭聞道宵衣勞聖主有時夜舞憶神州二千石祿猶前
却何自真封萬戶侯

才氣崢嶸早斷鰲詩豪不獨酒中豪其誰代匠頻傷斲之子良
庖却善刀莫歎廣文官獨冷絕勝州郡職徒勞泮官方采僖侯
藻高士休尋仲蔚蒿

邦衡侍郎作一字韻詩贈麻姑觀道士李惟賓次韻仍效

具體

蓋世成功陋漢黥翩翩弔掛許誰繁氣凌霄漢哮崖鶻文潤波
瀾掣海鯨囊水謾疑韓信怯柵淮終畏晉兵勅先生餘事為詩

老天宇行將一柱擎

邦衡生日用舊歲韻

光武以壬午歲起兵宣王六月北伐皆中興也邦衡以壬午六月生故用

二事

翊戴南陽第一春馳驅北伐太原津天開今代風雲會運用中

興歲月新霖雨正宜蘇大旱

近日禱雨未應

清風未可作閑人一盃安

足為公壽看飲思堂萬斛醇

飲思堂春萬斛豈止二十四考中書而已此則祝壽深意也

李秀實生日

秦陵者舊日衰槁白也胡為顏色好何曾山林採大藥更說方
書試鴻寶千年鼻祖翔大清至言八十

張本作五千

授長生坐令耳

孫守家法八十髻綠雙瞳明昨日人為澹庵壽今朝竹院笙歌
奏二老風流總健強盛事他時恐難又陛下聖德師文王作興
銳欲恢封疆盍歸乎來不可緩要看梁棟扶明堂

同年楊謹仲教授生日

玉笋岩堯秀倚空清江汀滢日朝東杜蕭安在王陳遠極貴長

生總屬公

伯起宜橫講殿經若為臨賀復廬陵嘗為臨賀教授朝來冠雀銜三鱸

敢賀先生自此升

孝行陰功未易量從來家住玉田坊人間聊復三千歲海上他

時日更長

廣記楊雍伯有孝行傳種玉之術游海上遇羣仙後數年上昇今所居宅號玉田坊

載酒過門欲壽公酒盃有限壽無窮玉樽祇在天西北不昔年

年為一中

神異經西北荒有酒泉上有玉樽取一樽復一樽與天地同休飲此酒不死

邦衡侍郎用洪範五行推薄命而成傑句歎仰大手幾至

閣筆勉賡盛意兼敘天人之應庶知託契辱愛如此其厚

決非偶然耳

五行陳範推箕子三壽為朋頌魯申二紀環周元附驥某後公二紀生

而同在午故用馬事四辰鱗次豈因人公月日時胎在未辰卯戊某日交

承紫掖追隨舊遞宿金鑿契分申人事天時已如此更看坵孰

景陶鈞

胡詩用東坡兩耳字故事押案此註從張本與知聖

申字小異

艤舟清江鎮從任子

嚴詔

運使求菊

陶令思歸未得歸黃花想見遶東籬滿頭須挿何容易且向盤

園乞一枝

近會同年賞芍藥嘗櫻桃楊謹仲教授有詩次韻為謝兼

簡周孟覺知縣

清晨自掃落花廳小甕新篔竹葉青簪盃同時過陋巷臚傳相

與記彤庭堦翻紅藥曾重見

僕十年間兩直西掖

初賜朱櫻亦屢經老去

飄零無此夢詩來吟咏有餘馨

用舊韻為邦衡生日壽

自公重踏秣陵春便覺威加析木津尺五去天沙路近八千為

歲壽盃新休論滄海長生藥要是清朝不死人萬目夔夔

張本作萬

里睽

觀變理紀元真欲稱熙淳

同年楊謹仲示薌林請帙皆以老杜相期惟童敏德謂不

合學東坡殆非知詩者輒用此意成惡語一篇為誕辰壽

祝頌之意見於末章

過江人物向汪曾一世龍門未易登常恐斯文無砥柱獨推佳

句有師承波瀾正使來西蜀廉陛何妨逼少陵天遣百年如衛

武會賡懿戒頌中興

楊謹仲教授和徐師川中秋賞月詩邀予次韻

浥露清如洗明河靜不流珠圓合浦夜潮盛浙江秋

盧肇賦八月望潮最

盛朗詠陳王賦幾成法善游廣寒非獨冷莫為客羶謀

寄題王公明樞使豫章伏老堂

君不見當年衛武耄且期尚欲進德明箴規又不見潞公堂成
過九十精神折衝誇德威公今年纔六十耳朱顏綠鬢儼未衰
便從午橋樂暇佚宜獨不畏二老譏恭惟中興聖明主焦心勞
思撫四夷山東河北困戎索遠民日夜思王師樓號籌邊宜屬
意堂名佚老誰敢知請賡方叔壯猷雅第八宣王復古詩

蕭端偉挽詞

二頃良田數畝居筆耕學殖世名儒蘭闡初喜攜兒去蒿里旋
悲與婦俱四季澆花非實相百年種德是宏模素車會葬空閭
巷試問他人得爾無

靖州太守李秀實挽詞

好學今康鼎施家古計研旌麾更楚粵翰墨過幽燕晚厭三刀
夢歸開九秩年生榮沒無憾五福定先
伊昔觀燈夜居然飲徹明一旬聊隱几萬日遽成塋回首歌鐘

地傷心挽鐸聲朔風知客恨猶欲返銘旌

省齋文彙卷五終

省齋文彙卷第六

周益文忠公集六

詩

起淳熙乙未止淳熙丁酉
餘千 臨安

過餘千吳師中秀才以詩惠歛硯次韻謝之

舊曾起草向明光獨與羅文近赭黃三載瓦池研竈墨因君聊

復夢儀鳳

張本作羲皇 壬辰二月蒙宣召至選德殿用御前
小歛硯革命相制今適三年矣前輩有羅文君傳

恭和御製聞喜宴詩

臣以經筵官預聞喜宴恭覩聖製賜詹駉已下詩不敢

自嘿謹齋沐膺歌

張本
作和

一篇仰瀆宸嚴臣無任震懼俟

罪之至

聖武將犁老上庭藝文先選彊中英天扶基業生多士世遇君
師集大成享備鈞臺同夏啟果分漢會愧桓榮堯言一日周天
下應笑詩人切響聲

次韻和胡邦衡除龍圖閣學士且為六月三日眉壽之祝
馬負羲圖二百春榮光猶屬大河津細推班列論思舊誰似耆

英寵數新

今班簿老龍
惟公一二人

龍閣便為黃閣老洞巖應繼紫巖人

張魏

公與公
至厚

他年笑爾孫思邈只自開皇至永淳

端明殿學士王日嚴挽詞二首

家世三珠樹文章五鳳樓中年穿豹尾晚歲冠鰲頭夷雅推簪
橐清醇動冕旒居然似岐國只見啟金甌
念昔登黃甲公時上玉堂焉知叨瀑直尚及對批章二紀光陰
速三年別恨長懷賢已惆悵感舊更淒涼

次胡邦衡韻

右

張本
作左

相虛來三見春都人日夜望平津驂駟開路雲霄逼霖

雨思賢鼎鼐新赤縣尚多淪異域潢池猶自擾齊人

謂茶
寇

公如

不為蒼生起風俗何由使再淳

從駕過德壽宮馬上得程泰之次庚寅王堂舊韻有銀章

金帶之戲走筆為謝

推敲也復從鳴鑾鳳詔張本作詔詩盟故未寒兩制空煩舍人樣僕近

日告命及答外郎爭比大夫官僕官朝請郎年兄新輔大夫翰林今夜仍連

直講殿明朝豈兩般畢竟五金如五味莫因黃白議鹹酸

程泰之有金帶銀章之句十月二十八日乃因押伴北使

赤岸御筵服重金侍宴紫宸殿坐間嘗作數語為戲後兩

日復得其詩亦再次韻

甚日重黃侍玉鑾幾時張本作八座佩金寒古詩云眼赤何時兩

八座云連枝不日並殿庭屬目誇親貴閣門官部曲低頭拜舊官泰

嘗貳春官今復階五日京兆非細事四時仕宦固多般泰之今春服

今階金紫真傳遊藝也重行隔品詩仍健應笑官卑語帶酸

次韻徐元敏權貨同年

當年駕鶴共驂鸞對躡丹梯上廣寒綠鬢旋同依帥府華顛今

並列王官文才似我無多子契分於君有四般唐人與同年詩云契分四般同

念舊不妨頻枉駕甕頭隨意酌甘酸

凌閣學景夏挽詩二首

南渡衣冠墜俄然氣象還向微公數輩誰濟國多艱劍履星長

上風流水石間名高仍壽考天賦未全慳

聖上開皇極炎興纂異書蒼葭依玉樹清水映河渠自爾音塵

隔思公歲月除佳城空在望無路祖喪車

韓子温尚書以長句送江梅次韻

憶昔歸田友麋鹿雪裏尋梅踏瑤玉巡簷屢作杜陵笑窮路幾

為步兵哭忽逢綠衣髻如雲歌舞醉人睡昏昏覺來但有風相

襲夢斷初無香返魂豈知重見長安雪喜極豐年簫鼓咽更讀

裴公東閣詩仍分處士西湖月皎如玉樹臨我旁幸同待漏靴

滿霖但願和羹繼先業不辭草制搜枯腸來詩有和羹之句

邦衡侍郎留金陵再用津字韻賦詩謝送賜茗復以丙申

小春四鈔寄贈

淳熙又貢第三春駟騎星馳度劍津七祖師泉難話舊謂青原

功德水且嘗新雪亭烹處休裝景火閣煎時却可人只恐春從

官柳邦衡侍婢名動樂天還欲醉精醇唐朱敬則傳淳精流糟粕棄

聞西省賞醪醱芍藥戲成小詩奉簡泰之侍講舍人年兄

並以丁香橄欖百枚助筵却求殘花數枝

羣玉園中作主人紫薇花底會佳賓風光總屬程夫子好念文

昌寂寞春

滿架冰肌合碧雲翻階翠袖映紅裾玉堂只有金沙在伴值明

朝又屬君翰苑僅有此花秦之明晚直宿

酒頌銅馬莫分甘金賜麟蹄敢掐尖紅白賞殘堪底用雨中折

贈未傷廉日歷所進書賜金及酒甚多

從來引玉即拋甄自笑囊空百不堪賴得酒酣須茗飲聊將青

子助回甘

新鎮江通判蔡端挽詞裏曾孫

計相聲名久不磨慶餘豐報屬君多原鶴重過非常主君謨久任三司

使君弟今為戶書庭鯉仍收最上科君謨第十人及第君子戲亦然但使家聲常燁赫

不辭官路獨蹉跎仁人天豈惜眉壽自要曾門同逝波君謨享年五十六

六湍亦五十六

次韻閩刑部才元楊梅

炎帝繼照濤江紅五月獻果明光宮越人一枝古所重蜀無他

楊譜則同蜀中絕無楊梅元珠更將赤水浴流火呈祥復玉屋不伴長

安黑彈丸殺吏驚人寒起粟新詩字字含芳鮮大書遺我敦同

年請君速訪天竺老食白追繼仇池仙東坡寄天竺辨才詩云且食白楊梅蓋山中實

有此果而蜀人註此詩者偶未知耳閩亦蜀人

六曹長貳觀潮予以入直不與晡時大雷雨走筆戲蔡子

平

雷轟萬鼓勒潮回無復亭前雪作堆應為尚書慳且澁盲風怪

雨一時來

走筆答程泰之以簡問蓮社事

杏壇儼雅猶難考蓮社荒唐孰肯知
好把鍾山為做鑑瞿聃留作晚年師

次韻天官韓尚書七月十八日風雨中觀潮予內直不赴
禁直惟聞漏鼓催潮聲遙聽訝蛟雷忽傳傑句天邊得如對紅
濤海上來大筆真能挾風雨小才何敢助涓埃古今奇觀須秋
半好約重銜伯雅盃

程泰之下直某偶被宣鎖相遇於途既到玉堂讀所留佳

白次韻為謝

天街並踏軟紅塵飛鞚交馳駭徹巡椒殿敢期當制草槐庭元
擬用儒真初謂年兄入相故鎖院驚方偶免冬龜手適市深慚旦攫人早
夜祝公登相位重霑潤筆乃無貧

慶東宮生辰二十韻

二聖仁無敵元良敬有加一丁昌火運

太上丁亥主上丁未殿下丁卯三合聚

皇家

陰陽家以亥卯未為三合

帝子初朱芾天孫更綠車東儲今啟誦重慶

藹

張本作昔

勛華異表溫而厲英辭正且葩日三朝蠖濩明兩照幽

遐周鮑吾何嗜齊蒿爾自邪金昭全粹質玉裕絕纖瑕唐範刊

譌謬恭親手校唐 邱經辨等差嘗蒙俯詢觀 度張本 心宗淡泊

論樂鄙淫哇摘藻書盈軸穿揚箭列鞞共知文武備頻拜聖神

嘉盤露清承掌窻風凉度紗佳長蕙四葉樂歲粟千秬呈瑞芝

生草延年菊試花震為春不老鶴禁壽無涯喜氣均三殿恩頒

出正衙流香傳御酒七寶簇宮茶釘坐麟為脯堆盤棗勝瓜子

生同九月魯國謾多誇

洪景嚴樞密挽詞二首

兩制摘文壓縉紳三吳耀武見經綸橋留震澤居無擾舟濟滄

溟捷有神宥府嘉猷推乃后陪都遺愛紀斯民多才多藝無多

壽此理憑誰問大鈞

召試曾叨對巨題代言今忝繼前規豐鐘霜響人何在瓦釜雷

鳴愧可知滕駟啟城嗟有日徐雞醞酒恨無期玉堂賴有綸章

在時展前編慰所思公嘗編中典制草

送蔡造赴桂陽令齊之後延慶曾孫

工部詩成滿劍川儀曹文筆照湘南身行蜀棧曾幽討舟掛吳

帆又飽參旆驥有心真自得拔茅無術定誰慙金蘭正好追英

彦蒲穀翻令試子男縣古荒祠憐義帝地靈勝槩憶蘇耽冰臺

小試醫民瘼帛幅高張律吏貪衛颯化行先禮教肩吾嘗著禮訓十一篇

茨充政美是耕蠶故家遺俗今無幾
往行前言孰可談鴻雁峯
高書莫繫驪駒歌闋酒空酣
伊予已卜江湖隱靈壽何時寄草

庵

丁酉二月二十日同部中諸公遊下竺御園坐枕流亭觀

放開桃花數萬點隨流而下繼至集芳亦禁籞也海棠滿

山郁李遶欄殆不類人間世明日入部而桃花數枝伶俜

牕外未時內直則海棠郁李各一株方開遂賦二絕句

萬點紅隨雪浪翻恍疑身到武陵源
歸來上界多官府人與殘

花兩不言

清勝堂前花萬重玉堂署裏兩芳叢
應憐寓直清無侶聊伴衰

翁宿禁中

魯季欽 嘗敷文挽詞二首

競爽雲間陸同升天上張東堂
聯折桂南省繼含香風月三千

首金絲十二行初終全五福似續付諸郎

自慘江南袂思公歲徂書來懷棣萼
老去重葭莩東粵仍閩

粵當潮遂鏡湖堂成隨一相浮世竟何須

宣州蔡子平尚書淑人君 張本氏挽詞二首

八座夫人貴三刀刺史榮共深
偕老慶忽寄悼亡聲寂寞閨門

政淒涼兒女情親交猶雪涕况乃謝宣城

鷓綴聞湘藻鎮原忝附葭至今思並舍晚歲擬通家只道身長健那知生有涯挽謳無好語聊雜壠頭笳

東宮出示和御製秋懷詩恭和二首

某近者特蒙頒示御製秋懷詩繼出殿下和篇明良相

賡徵角交作猥綠幸會獲預榮觀蟋蟀候秋而吟益亦不能自己謹成二篇繕寫投獻仰塵英鑒伏深震懼

沛公歌風雲威德加四海雄詞照千古編簡亦光彩惟皇與同符興寄秋序改宸章振遠響寂寞喑泉籟有如涼飈來殘暑去

安在願言掃氛曠廓廓天宇大

右恭備御製韻

寒露零太空清詩出少海昭融備萬象衆目眩符彩二南可無

愧一字不容改金聲玉振之遼邈慶霄籟

權德輿答楊河南書慶霄天籟正聲鏗鏗

毫芒人間落神物護在在惟慙小儒惜未易識其大

右敬和殿下韻

兵部宋尚書延祖挽詞二首

北客今無幾公才合奮飛再暮騫禁密仍世攝途歸星動尚書

履霜留御史威桑榆初未逼何乃露先晞

識面嗟雖晚論心樂未央經帷叨並席官舍許連牆倣訝親鍼

石俄驚授印章

公上印之日僕攝夏官

梅花佳句在無復鐵心腸

中奉大夫直徽猷閣致仕邵及之挽詞二首

廉甚仍知止高風仍孔幾北歸垂橐日南省掛冠時清白傳諸
子安閒閱十期今誰主文字好繼退之碑

不殖千金產惟求十畝園湖山堆几席花木報寒暄曾是尊前
客常思醉後言懷賢空有淚無路洒新原

走筆次李仁甫夜直觀月韻二首

殿中延拜二卿真腰下初橫寶帶新便有堂封佳識在移庖

院本作
移庖恰起謝恩人

仁甫正謝日適二參
政同過局置酒省中

玉堂清涼夢難頻月姊高寒遠莫親伴直徑須呼苦酒不應覓

句調他人

仁甫專
飲苦酒

昊穹垂佑福羣生涼德惟知監守成禾黍三登占叶氣簫韻
九奏播歡聲未央秋晚林塘靜太液波閑殿閣明嘉與臣鄰

同宴樂益修庶政答昇平

臣恭和御製晚秋曲宴近體詩一首繕寫投進冒瀆天威

臣無任戰懼俟罪之至

宸遊不為菊叢生歡宴元因穀順成閣御芙蓉稱萬壽殿開選
德奏和聲玉觴未飲心先醉寶墨遙瞻眼倍明身在金波空感

遇論思深愧策平平

初上壽芙蓉閣
移宴選德殿

李仁甫賦詩送其子塾下第歸次韻為贈

餘力猶能讀稗官
奧篇隱帙復何難
求賢正市千金駿
當賦終徵百羽搏
喚渡吳江秋水漲
解鞍蜀道雪山寒
歸來起賀新郎罷
東閣重尋一笑歡

慶東宮生辰

某伏觀崔豹古今注東漢時樂人作歌詩四章以贊太子之德一曰日重光二曰月重輪三曰星重暉四曰海重潤舊說云天子之德光明如日規輪如月衆暉如星霑潤如海太子皆此德故云重也每恨其辭不傳於世茲者恭遇皇太子殿下吹銅令旦輒補四章仰祝無窮之壽冒塵英覽伏增戰汗

太陽象真主陽月應誕期

爾雅十月為陽

少陽比儲君生近重陽時明

兩蓋自然何待卦畫知形容謾辭費詠取重光詩

右日重光

崔豹稱明君如月有規輪戴嵩有

張本作言

副德桂滿自長春

梁戴嵩月

重輪行云皇極屬明兩副德表重輪重輪非是暈桂滿自長春

况乃秋夜永萬里無纖塵願歌

重輪白照耀率土濱

右月重輪

秋季日在房房心乃明堂煌煌前星於茲侍天王休符協上象

九月誕元良太史言有証重暉照無疆

右星重暉

舊聞西北海巍然峙瑤山高辛賢太子制樂山之間坐閱幾春
秋不老常朱顏至今重其潤恩波浹人寰

右海重潤

送喻宮教

良能

出倅會稽

拾遺羈旅鑑湖秋太史崎嶇禹穴遊只駕貳車良自足更容三
釜復何求千山徧踏詩才富萬壑臨觀史筆道稍待政成歸魏

闕便從麟閣上螭頭

張本有叔奇能詩所至輒賦近嘗進歷代忠義傳極有史法二十字

恭和御製賜史

浩古詩

臣伏蒙睿慈頒示御製賜史浩古詩三十韻臣恭依聖
訓賡續進呈效涓塵於海嶽之間何裨廣大曳螢爝於

日月之下或借光耀冒犯天威臣無戰慄之至

粵從三代還歲月過千禩時宜無賢君道未契宸旨皇皇唐太
宗勲業在所喜冠攘既掃除蠻貊畢至止循良布郡邑惠政寬
獄市忠賢儼班聯切諫杞浮靡闕輔羅府兵巖穴聘奇士民生
履孟安國勢太山倚皇心期過之風下九萬里忠厚培本根文
物粲華蕊淳熙視正觀何啻相表裏屬車尚濤江列陣隔淮水
蠢茲獯鬻氏作我大清宰坐令營屯衆久費糗糧時中原厭狼
貪諸將空虎視安得貫柝楷來貢尺有咫六合混一家耕桑盛
生齒願言講治道先務當有幾欲仁斯仁至患在未舉趾而况

前史中遺事可尋理衛英爪與牙王魏目兼耳處中賴房杜虛
受忘彼此不聞國異政但見車同軌孰云古道難僉曰今王是
寸陰聖所競盛德日方起無干格三苗其效七旬爾軻稱仁無
敵傳謂禮可已東鞮及北女會見朝玉祀南山竹易殫陛下功
難紀館儒謾獻歌將乃張本詞之散作奈

靖州張推官庭傑挽詞

青綬當年謾網力將儒素換豪華篋中深貯先賢傳門外常停
長者車有子菑畬在經訓平生痼疾是煙霞花橋卜築花山
張本作仙賓太息中吳好事家

端明尚書汪聖錫挽詞二首

性與天真合心惟聖處求有書皆默記無事不冥搜相業期黃
髮祠官恃黑頭為霖幾人望誰料倏成休

刻意追元祐斯文未喪予前生陳正字今代傅中書太未分攜

晚東膠靦面初追思二十載痛哭淚盈裾

乾道庚寅六月見公姑蘇常語某云幼讀

陳後山集見代人乞郡劄子便能成誦且知其為傅簡獻公之所作後檢傅集果有之公其後身歟

秋官少常伯失盃復得乃好客之報來詩誤認天意遂欲

因噎廢食走筆次韻發笑

程泰之來詩謂不合款客自此雖及門亦不納以順天意

郭奎知藏幾百杯韋籟何止一尊壘冶金太盛應須躍塞馬重

省齋文彙
歸豈是災車到門前如可却客來梁上若為回遂意同舍真疎
矣明與劉义亦壯哉

省齋文彙卷六終

省齋文彙卷第七

周益文忠公集七

詩起淳熙戊戌止淳熙戊申
臨安

次韻陳叔晉舍人殿試筆記

帝垂清問切恢圖士貢昌言敢導訣高下共知歸至鑑考評聊

許備先驅詳定所先批分數封送
編排所然後定其甲等四惟迴隔心常渴初考復考
詳定編排

凡四幕皆隔以屏欲其聲述不相聞三榻橫連體詎張本舒方丈之地
作可設三榻烏府凜然

賢執法紫垣籍甚古通儒上嘗書通儒
字賜錢舍人二墨朱同異容兼採初考

純用墨書臣名等第送監封彌封官封印送覆考所純用朱書
目名等第然後詳定官啟封而酌其中其書臣及等第以朱而
書名等給從違得細書考校法第一至第五凡五等每等分上
中下至詳定所從初考或從覆考亦或

定尚醞時頒缸面酒日給常酒外二日一賜黃大官日饌腹前

臚御厨給食頗豐但品味未嘗易腹雖賜香而火禁天香謾炷薰常歇

嚴甚不許炷爐諸位總賜茶三百斤舊每斤即一紅綾袋凡十餘團今乃給黃袋析而分貢茗虛靈樣頓殊

之以一餅為一斤治典吏移易也晨壁搖風愁幕冷就廊廡設次以幕為壁夜窻透月喜

簾疎臨階以簾為窻九賓屈指臚連句唱各比逐舉展五日千慮傾心智與愚會

得詔恩三日沐湖山尋勝任舟輿給歇泊假三日

胡邦衡端明用癸巳舊韻寵賜佳篇輒續貂為不一之賀

閏六還同載誕辰公壬午閏六月三日生壽川方至浩無津位今七月七年復閏六月

虛左轄民瞻舊職視西樞睿眷新賀端明也玉果又霑湯餅客今年五月

子銀環仍進雪膚人新買妾風流富貴誰能竝未害先生道德淳

韻 中元日以春花數種送闕才元左司蒼舒閻賦二絕句次

韓郎牡丹迹已久殷七杜鵑名謾新何似熙熙行闕里張本作裏花

隨和氣四時春

早歲連名向千佛如今接武事承華何時誤入長春苑盡看先

生解語花有姬聖木肯去去張本作出

送石似之倉部出倅漳州

半刺臨漳郡榮歸總不如棠陰三世舊君曾大父大梓里數程父皆嘗倅郡

餘野老談遺愛儒先叩異書依烏帶東壁從此照閩墟

送陸務觀赴七閩提舉常平茶事

漢皇親召賈生還京路張本作洛爭看北海賢却口神仙足官賦張本

府作便思丰采爍雲烟

暮年桑苧毀茶經應為征行不到閩今有雲孫持使節好因貢

焙祀茶神

鸞棲枳棘已多年父老猶傳主簿賢扶杖喜迎新使節張本作者赤

惟何惜與高騫張本作塞

疲駕久倦直明光風味常思十八娘擬請一麾依故舊得無公

道學蘇章

淮東兵馬鈐轄趙公容挽詞

藉甚宣王七世孫麟題張本作蹄信厚典型存青雲事業成難弟黃

甲科名付後昆炊白方悲鸞鏡舞奠楹俄掩毳衣瞞翩翩雙旒

餘杭路細兩西風總斷魂

恭和御製幸秘書省詩

羣玉西崑富典章二星東壁燦輝光秋花迎仗千叢麗法曲傳

觴九奏長處將縱觀修舊事淳化秘閣修成詔傳潛載典率

冠陪侍仰明王政脩即是攘戎策獫狁殘妖豈足裒

蟠木離奇愧豫章幾年封植荷恩光石渠久綴英髦後金鎖深
漸學識長御墨奎文瞻列聖靈尊篆鼎備三王願言作德酬榮
遇宜復矜才似智襄

再用邦衡韻贊其閒居之樂且致思歸之意

一別龍門不計春思君夢渡大臯津遙知綠野朱顏好應笑紅
塵白髮新午茗親烹留上客夜棊酣戰調佳人道腴有味詩彌
勝何止冰凝與蜜淳

曹植魏德論有甘露冰凝蜜淳之語

送胡子遠出守漢州分韻得萬字

三釜貴及親萬戶豈吾願君今二千石榮祿尚何論而况蜀漢

間相望兩宿頓鹿轡從版輿鳩杖雜戟鐔斑衣父老

張本作兄

錦士夫嘆

張本作勸

遙知四境內和氣銷愁恨却應念主恩未遽忘

一飯試於溫清餘款款話繼繆仍談西湖勝幸及老人健相將
下三峽看復搏九萬

進謝御書古詩

臣伏蒙聖恩賜臣御書白居易七德舞樂府一軸天光
賁飾剖屋輝華臣榮感之餘謹用蘇軾謝御書居易紫
薇花絕句故事齋沐課成古詩一篇少見戴思之意輕
瀆宸嚴伏地俟罪具官臣周某某上進

允文元祐詞臣軾勁節名章世無敵御前曾賜紫薇詩袖裏驪
珠光的皦小臣謬直白玉堂也紆皇眷摘雲章雲章元是七德
舞字字筆法超鍾王兩朝相望九十紀長慶集中偏屬意咸池
日照草木光天門龍躍魚鰕悖我皇英銳真太宗文武神聖功
德隆黃鉞指期擒頡利捷書先獻太安宮元和學士白居易臣
非其才私有志願隨班賀四海清續唐之歌誇萬世

劉諫議度挽詞

早習唐黃策

曾舉制科

中為漢輔官伏蒲頻盡節當宁極隆寬身倚

張本作荷

甘泉橐家仍陋巷簞清名垂宇宙猶足障狂瀾

疇昔英遊後推算輩行先班聯容接武坐立愧差肩

劉短予長每有鳧鶴

戲我已無如老公非不永年思賢仍感舊哀淚兩潸然

次范至能憶同游石湖韻

桃源非真亦非空幾年誤轉漁郎蓬豈知石湖天尺五不隔三
萬弱水中主公心伴白鷗沒莫莫朝朝醉花月邇來一念了世
緣蟬冕照人頭未雪如今又作衣錦回汀洲依舊玉成堆聞道
丹青憶賢佐白麻早晚從天來斷章批處階重抹敢向坐中論
禮絕午橋他日倘重陪庶見方瞳並綠髮

胡邦衡惠淳字韻佳什回首十年間不知幾往返矣雖歲

月逾邁而格律益高降嘆不足敬用賡和

掃迹龍門六小春渴聞談論齒生津築岩勲業方圖舊倚市工
夫謾闕新百二山河行入手三千風月莫迷人彌縫真出羲皇
上舉世終由魯叟淳

次韻王仲行尚書宿直

東省南宮切太微夔龍行集鳳凰池更哦殿閣薰風句坐覺微
涼生桂枝

紫禁同依日月輝蒼顏獨愧羽毛奇水如明鏡雖堪俯笑汝星
星誰肯嬉

徐元敏察院

詞

頃和子中兄長篇語頗相屬今承出使交

廣次韻送行兼簡經畧劉文潛

少年同任秦淮口醉裏殷勤掃花帚蒼顏白髮二紀中夢斷賞

心并折柳

金陵二亭

非才晚汗論思地分察久觀彈擊手端方斯不

負耳目詰曲誰能學跟肘善良無憂藜藿採讒諂有類麀鹿走

三年執法念少休萬里立功圖不朽遙知五十二

張本作
二十五州民

即日春風散淳酒吏驚繡斧指東海士喜文星避南斗由來炎

雲多瘴癘是處黃茅少林藪

聞纜過桂府道無林
木行人所以病癘

自從英英賢

牧至蔽芾棠陰地無醜同年相逢定傾蓋痛飲何妨暫濡首

二兄

皆善 飲 書來不用說梅花共說蒼生蘇息否

次張欽夫經畧韻送胡長彥司戶還廬陵

解印陶元亮居鄉馬少游久憐高士少今喜故人優客至無何

飲身閒有底憂

張木作愁

自然仁者壽誰羨道家流

劉共甫樞密挽詩

勲在居留地名高宥密庭旒頭期掃彗箕尾倏騎星不相知由

命占天忽促齡平生經濟策付與簡編青

世抱精忠節心希社稷臣拖紳遺奏日馳驛挾醫長譙論留丹

宸清班閱紫宸

舊紫宸乃今觀文殿

史魚死諫後聖代不無人

芸省翻黃卷詞垣賦紫薇年華飛電過耆德曉星稀梅閣臨風

迴滕城指日歸懷賢并感舊哀涕一時揮

予同在三館西垣梅仙閣在公私第

兵部王仲行尚書惠詩敘近日直舍隔壁論詩說棋之戲

次韻為謝尚書近錄舊詩一編為贈故并及之

詩可弄萬象棋能消百憂苦吟復苦戰已過心休休自從識夫

子十閱長安秋奇才掄泉俊博物包九流遊戲亦臻極他人歎

無由脚踏軟紅塵手把大白浮每坐客常任有社誰敢投此事

聊復爾壯懷許聞不殺虜盧龍海殲羗西海頭六奇蘊秘策鑿

壁那可偷稍見壺子機已知

張本作驚

季咸傳遂盜祖師法敢與神

秀侔豈如念貧績明許餘光求故將繡段贈不責玉案酬從今
空囊富免為杜陵羞

明堂慶成二十韻

臣恭覩皇帝陛下肇禋總章積兩驟霽星月粲爛燭光
不搖天瑞應誠輿情呼舞臣忝陪近侍抃蹈尤深謹按
皇祐大饗明堂翰林學士王堯臣孫抃趙彖楊偉侍讀
學士丁一作盛度宋祁皆進賀詩一篇今臣猥兼二職合
遵故事謹撰到明堂大禮慶成詩二十韻繕寫上進言
雖無取事則紀實冒瀆宸宸伏俟誅戮

親饗嚴三歲邦彝重九筵祖宗垂統大天地著功全惟睿崇昭

報于時辰吉蠲發輝皇祐日潤色紹興年稽古千齡契齋心十

日專揭名新扁榜御書明堂及書冊屏葦彙竹冊御名以假廟

陰雲剝升裡皓月圓無風搖燭影有瑞粲星躔不值連宵雨那

彰倏霽天三觴猶翼翼百拜愈乾乾三日行禮上拜百餘歸次徒勞奏初獻

畢有司依舊制請歸小次上弗許立俟亞終獻行禮回班特許股駕來百官例賀儀隨仗

入霈澤至張本作御樓宣禮畢即時御垂拱殿受獻胙金絲合簪花

錦繡鮮慈皇顏有喜聖孝古無前肆赦纔畢即時獻胙和氣騰

都邑歡聲徧海壖祺祥應曼羨壽算張本作祿自延綿臣也芻蕘賤

恩斯雨露偏執綏華蓋裏草救玉堂邊玉堂第頌甘居後逢辰

幸獨先四方今日晴申誦我將篇

內直以金橘送七兄

畫卧玉堂殿眼看金彈丸禹包經歲月鄭驛助盃盤黃帶霜前

綠甘移醉後酸江湖有兄弟此日憶團樂大兄十三弟在袁吉二兄官營道皆此果

所產之地

送鹿伯可致仕直閣兼簡吳明可致政給事伯可年五十自郎曹乞休

致特轉朝奉郎除前職

垂車七十古來稀况是丁年解鞅鞶神虎衣冠宏景掛都門供

帳仲翁歸前銜新命俱郎宿處士儒官總少微李尋傳少微四星主處士儒學

之官郎中以秘閣休官故云林下若逢龍閣老為言台嶺轉光輝吳芾明可

直學士致仕居台州

戴子微幾先運使出使湖北約以惡詩送行而未遣也佳

篇見督次韻奉寄

早日逍遙侍從間重來見引奉張本作奉引近威顏倦趨北闕晨霜冷

思上南樓夜月閑直指不誇新衣繡曲臺只記舊聯班豈知隔

面心猶渴空訝相如下筆慳某與侍郎同為禮官同為儲僚者期月屢請見某詩不許卒章故云

張待制宗元挽詞

桂籍聲名早松門歲餘鎮東多惠愛使北有光華豈料尋春騎
翻成會葬車珠園舊亭館細雨泣新花

進讀三朝寶訓終篇賜宴錫賚謝恩詩

藝祖提劍開八荒太宗混一垂衣裳真皇破虜神武揚夷夏億

宣法度彰寶訓成書紀宏綱有典有則萬葉昌憶昔壬午神龍

翔季秋庚子辰集房肇開講席臨青箱赭袍玉斧光照廊台司

夾侍書案黃翰林進讀天容莊微臣簪筆近玉張本作御床親聞玉

音義甚長君子小人初何常非關時運弱與強祇係人主所否

臧當年紀注此特詳紹興壬午九月庚子初開經筵亦召宰執聽講書洪遵初講三朝寶訓第一卷至太

宗問呂蒙正君子少而小人多蒙正曰此繫時運盛衰陛下宣諭云不然願人主好惡何如耳臣時為侍立官退以聖語載起

居注往來寒暑今一章牙籤謬執心傍徨終篇正值恩德洋道

山肆筵酌天漿宮花壓帽羅絲簧硯來復古翰墨光臣所得端硯刻復古

殿三馬出帝閑真驕驕閩山正焙隨寶香君賜如天不可量歸

美獨愧詞荒唐恭維聖治超百王夙夜基命不敢康文德既脩

秋可攘俎豆永掃旄頭芒三聖勳烈同煒煌萬年億載娛慈皇

文忠烈公居洛有丙午同甲會詩今執政府凡三位樞密

使王季海參政錢師魏先在馬前歲夏某忝參預連墻而

居適然齊年時號丙午坊次文公韻簡二公

四公八十會伊川盛事於今又百年豈意蒼顏華髮叟亦陪黃

閣紫樞仙府居未至容連棟班路前瞻愧比肩丁丙連干支合

德君臣慶會豈虛傳上丁未生

慶東宮生辰

聖祖基長發皇家慶遠覃金輪常沛張本作御極銀榜夙占男英節

辰遲張本作逢五冀階英度三英安同父祖秀氣集興堪仁孝由天

縱溫文亦性涵兩宮今並事三善此誰暫玉珮班昕肅牙篋道

日談儉宥從節苦正每斥言甘甲觀蘭開殿南陽菊映潭名參

周發誦壽百古彭聃政省叨我弁宮僚阻盍簪賓筵應秩秩鐘

鼓夢齧齧

龍圖閣直學士吳明可芾挽詞

冠掛十年餘齡周八秩初錦囊遺橐富紫橐賜金虛似白猶希

白如疏更景疏公居東西軒名清風并亮節付與汗青書

憶昨經洪井連朝點玳筵東湖波浩蕩南苑月嬋娟偃飲驚三

雅蛩吟羨百篇祇今悲舊事何日奠新阡昨公新築南園屢陪夜飲坐間示所和歸

去來及詩詞甚多

和龍舒兄春日出郊韻

庭東蒲鞭吏畫閑禽聲人語兩關關郊坰戎隊穿花裏阡陌兒

童戲雉間禪語屢題投子寺仁風常滿皖公山薦書聞道交宸
几尺一封泥合錫還

敷文閣學士李仁甫挽詞

萬古仇池一老仙前生游宦憶西川令威化鶴空千歲何似重

來十五年

東坡辛巳年
薨公乙未生

父子才名震蜀都家風人道似三蘇不知岷嶺英靈氣底向眉
山特地殊

經學淵源史筆高文章餘力特風騷紛紛小技誇流俗磨滅身

名笑爾曹

頻駕輜軒析左符直從梁益到江湖棠陰處處留遺愛芹泮人
人億大儒

鳴珮甘泉不乏人誰能博古更通今直如汲黯非游俠忠似更
生不鑄金

千卷長編已刻閩爭傳副墨價兼金冠篇不得同迂叟遺恨猶

應記玉音

上許御製
長編序

是是非非口即心掃除人偽只天真身全五福仍通貴造物因

公勸世

張本人
作善

病後精神更湛然掛冠剛欲及生前去來自在渾無迹撫掌僧

徒浪學禪

蓬監曾叨繼後塵史闡何幸對題名非才自是無能役太息難忘故舊情

我畏譏讒口屢緘獨公嗜好不酸鹹每傾苦酒思談論張本作笑萬

里何由莫異嚴

讀樂天詩戲效其題

側足二三臣平頭六十春胸中冰與炭鏡裏雪兼銀豈有花經眼何嘗酒入唇勞生成底事何不早抽身

三月六日中宮生辰二府例以前四日就孤山四聖觀設

醮泛舟玉壺環碧園因記歐陽公治平三年丙午歲上巳

和韓丞相詩謂是歲始頒明天曆三月三日丁巳故有節

正須知鳳歷新之句今歲亦逢辛巳而又歲皆丙午誠異

事也輒借原韻賦詩一篇簡諸公

東華正踏軟紅塵却起西湖被禊辰歷似明天時令正春逢閏

歲物華新流連花柳輸豪俠判斷湖山愧隱淪尚擬鳴鑿一遊

豫還陪英袞奉嚴宸張本有每歲三月駕必出郊八小字

高宗皇帝挽詞

社稷興中否干戈靜四溟生年同藝祖慶壽似慈寧皆慶八十人憶

庚庚北天垂九九齡向來懷夏禹今祔越山青

建炎登稽山閣御詩有云懷哉

夏禹勤

太極乾元父清都大帝宮宴酣忘御駿仙去任遺弓音遏思堯
顙旻號泣舜瞳孤臣臺閣舊淚血洒春風

省齋文彙卷七終

省齋文彙卷第八

周益文忠公集八

詩起淳熙己酉止紹熙癸丑廬陵長沙

陶淵明有己酉重陽詩一首某以此年此日舟次吉水距

永和財一程耳輒用其韻先寄二兄十三弟並呈提舉七

兄

王覲十五載歸來稀舊交我鬢昔已華今茲固宜凋去國甫重
五還家倏登高永和見兄弟咫尺如烟霄緬懷江東使地遠心
更勞遙知上翠微江山勝金焦豈無茱萸酒望望心鬱陶相從
會有日永矣非一朝

贛守鄭舜舉寄詩酒於答書中就附四句

十七篇詩酒滿壺贛州風景塞張本作贍繩樞詩中有畫今摩詰安

用當年八境圖

南園築小堂鄰里侯暢獻上梁文戲成小詩紀實解嘲

半畝園林數尺堂凡花疎竹小池塘平泉綠野休相笑事業功

名合自量

郊居三池皆種蓮自五月開至七月末無日不寓目今得

七兄秋浦佳篇謹次原韻

雲錦撐舟引興長丹香回首惜年芳辰陽郡池有丹香亭夏則與兄同游今四十五年矣

碧筍擎雨時傾蓋紅旆搖風暫亞槍近渚何勞攀太華真粧應

笑弄西涼夕蟾忽散金千炬歸夢依稀到玉堂

和七兄秋浦韻

遵渚遲魚素巡簷驗鵲占江雲懷李白籬菊詠陶潛句好那容

畫才高却道鹽皇華聊吏隱清論付廷僉

次七兄韻題二兄靜明閣

堤有芙蓉沼有渠東西精舍直平湖市朝間濶聊中隱山隰橫

陳豈子都杖履張本作屨意行非得得輪蹄心遠任區區休窮眼力

為疆界且作張本作把詩篇替畫圖

七兄以庚戌重陽前解江東常平印沂江而歸先寄二詩

次韻

早日常同席中間屢語離呂梁今破夢曹發

張本作鬢

共深期菊圃

新開徑茅齋正築基不妨風雨夜酌酒更論詩

春駕輕車上九華秋乘大舸泝風沙欲拋彭澤追元亮何待龍
山宴孟嘉行止非關人力勝清平自有部民誇征帆衝雨何時
至東望牙樯眼屢花

廣西漕屬呂君祖平以其六世祖文靖公及五世伯祖惠

穆公帖示周某敬題其後

世臣本非喬木故笏真是甘棠奕葉鈞樞翰墨寶章何媿諸王

送劉公度縣丞赴江陵

投分復連牆閑居味更長送春慵斷句惜別怕傳觴我正羣麋

鹿君當鶩驕驕但令同臭味不必共行藏

太和芍藥最盛有紅都勝黃樓子為之冠昔山谷常宰邑

篇詠極多獨遺此花四月八日與諸友共賞戲成小詩

紅勝依稀如魏紫緗樓彷彿似姚黃元豐詩尹渾無語豈是參

謀闕海棠

簡提刑吳大卿宗旦

瑞節頻移意可知西川西廣又江西蘇黃到處君行部物色分
留待品題

堆勝橫看白露洲青原穩著釣臺幽曾公翰墨師川句訪古何
妨與一遊

權州楊侔子直方以詩惠鶴雛次韻為謝

未解連軒賦鮑昭且陪茫蕩醉東臯初非日浴身原潔何待天
冲志已高羽服便能隨羽扇霜翎正合伴霜毛使君今是徐州
守會宴雲龍樂且遨

比比承諭及東坡白袍立鷓之句退閱篇韻謂鷓似鶴長喙音
胡鷓切疑是二物至莊子鷓不日浴而白陸德明音義且云
鷓又作鶴並音胡洛切則又以為一物矣今類書數種雖分
兩門然其所引事却往往互見漢紀註謂黃鷓大白鷓小而
武昌又自有黃鷓樓不知竟何如豈所謂鷓鷓各有五色耶更
賴垂教

吉水周中顯秀才相識二十餘年求永新譚煥主簿榮壽
堂詩為賦一首因以勉譚

憶昨淳熙躋壽域東朝長樂慶七十譚家有子列冠裳翁媪同
時應命秩兩宮今奉慈福宮萬有千歲三宮同十年一講慶壽

禮老人版授方重重煥也曾試南宮裏一第終當恩子耳從今更闢榮壽堂他日郊封詔填委

安福宗子師共兄弟五人作慈順堂養母求詩

五竇曾誇擢桂枝從今天族更光輝會看鼓吹喧龜洛何止三人從伏妃

送廣西譚景先經幹兼簡趙帥思朱漕 晞顏

舊厯南流上海舫今經鐔背下灘江元戎正直詩書帥廉使曾

臨父母邦朱曾知吉州不憚客從南去再要陪驛召北來雙水衡自

古同承張本拜豈必紅蕖映碧幢

永和鎮曾岑季高明秀樓

心得高明趣張本作處樓開井邑間巡簷風與月隱几水兼山景物

因天巧軒窻占地慳寒暄俱可至徙倚不知還

次韻馬惟良亦樂園

滿腹詩書却灌園固應浩養百憂寬竹林松徑長張本作常蕭爽柳

色花光自際蟠貢焙延僧春泛雪鄉醪醉客夜傾丹當年悔不

分銀菟空把新詩反復觀乾道間予得郡富沙不赴

紹興丙寅侍伯父赴辰州宿長沙驛今四十七年驛故重

脩感舊成詩錄呈子中兄并示子開弟

朝宗元以汴為京闔廣江湖此問津南渡苦無三宿客北征時
有五溪賓壯遊我亦深懷舊傳舍人皆勸作新契閩誰憐今四
紀欲論前事只三人

寄題張元善總領新作楚觀

章華蕪沒岳陽城風月還從此地分目極洪流江接漢胸吞大
澤夢連雲年豐棧畝糧盈野士飽騰槽馬軼羣收取闕河報明
主雲臺煙閣佇奇勳

程元成待制書來序別圃攬有亭葵心秀野二堂之勝見
索惡語老病不暇編賦謾往一篇

燭引金蓮白玉堂宮垂銀榜左春坊毛曾久倚黃門樹武子今

封召伯棠

給事頃將湖南漕兼帥事

攬有羨君花竹秀課無憐我簿書忙欲

知兩地相同處亭午葵心向太陽

寄題永新張氏無盡藏堂

山間明月江上風取之不盡用不窮仇仙一發醜雞蒙往往擇
勝貪天功斯堂飛梁挾雙虹坐客常滿尊不空翰林主人極形
容無奈圓缺與雌雄豈知清朝張本作都廣寒宮默存身已遊其中
長春不夜四序同禦寇法善聊相從

紹熙三年十月丙辰長沙郡貢士三十人於公堂太守周

某賦詩一篇代鹿鳴之歌

風雅因遺楚離騷遂變湘江山清得助日月爛爭光之子俱勃
敵斯文合擅場三元猶未遠準擬再名坊

次韻謝豐叔賈運使

錦衾留畫省繡斧上清湘儒以真無敵臣於遠有光二天臨宴

席五字

張本作子

冠文場畫接行蕃錫權奇下八坊

十一月二十七日劉公度徐用之許相過公度居憂止酒

用之偶食素適有餉小春團茶者因成拙詩奉簡

平日何曾忘穆生如今胡不飲公榮頗嫌性僻嵇中散為怕情

傷阮步兵美意政須羨碧澗衰顏聊復飯青精更攜天上新團

月同試沙瓶雪水清

昨夜微雪

資政殿學士蕭照臨

張本作鄰挽詞

科甲早巍巍官曹總帝畿聞膏森畫戟畢竟踐黃麻衣鉢傳兒

輩

今子亦上五名及第

笙歌徹妓圍百年盈省陌何翅古來稀

共政時雖少同朝日最多聯鹿趨鶴禁列饌噓雞窠

東官會食公不食雞

問之不答予笑曰公生丁酉必是故也他日當長壽為雞窠中老人大父矣相與大噓

平昔顏常好歸來

鬢未皤飛昇尋乃祖示病笑維摩

公乃同郡玉筍蕭仙之後其薨無疾

寄題謝昌國尚書桂山堂

京國新如桂家山桂滿林葉留經歲碧花雨勝秋金作楫商舟
穩為梁漢殿深幽香宜自悶莫待斧斤尋

任漕子嚴詔挽詞

壯志宵興著祖鞭雄詞銳欲勒燕然一生僅踏金門地半世常
遊玉筍天勝墅棋高無敵手奪袍句好有新篇高風堂上凌雲
閣誰復觀梅月照筵

程元成待制寵示和篇其自序用樂天尹洛并一漁翁事

可謂精切歎服不已再次韻奉酬

侍冠早已掛朝堂鄉縣榮標畫錦坊尚記香山曾尹洛更同魯

國欲漁棠春風醉客金絲緩夜燭彈棋玉石忙應笑汲卿猶未
去強扶衰病理淮陽

胡元之提刑寺丞迂途相過寵示二詩次韻為謝兼簡趙
再可經畧張君量運使

惠政羣州楷清名萬口傳南交需按察北闕正詳延氣分元重

復先德與僕嘗僚金陵先兄袁州使君復同官于婺其後遂忝同朝近復脩維梓之敬講同甲之好封疆互接

連廬陵廣西皆與湖南接壤勞歸知有日還佇楚江邊

外計初馳傳元戎久奏功馬牛非北海雞犬是新豐梅萼三冬

綠榴花四季紅見虞德星臨越分桂海即吳中三賢皆居浙西

送孫從之秘監歸朝供職

蚤看鷓鴣萬里風晚陪劍履大明宮誰知九郡提封廣還許三年使事同我合掛冠尋舊隱君當補袞用新功中興盛事人應說五紀吾邦四少蓬

臘旦大雪運使何同

張本作用

叔送羊羔酒拙詩為謝

未雪冰厨已擊鮮雪中從事到尊前淺斟未辨銷金帳快瀉聊

憑藥玉船

東波黃州詩試開雲夢羔兒酒快瀉錢塘藥玉船

醉夢免教園踏菜富兒休

說

張本

饌羅羶爛頭自合侯關內何必移封向酒泉

省齋文彙卷八終

石齋文集

首齊文集卷八

周至文忠公集卷八

九



